



Wantok



Namba 2050 Desemba 12 - 18, 2013

28 pes

Niuspepa Bilong Yumi Ol PNG Stret!

K1 tasol



pepsi pipol



www.facebook.com /pepsipng

Like

na painim aut moa long ol narapela promosens blong mipla bihain taim.

SMART PHONE, SMART GIFT

Kisim displa Alcatel Pixi lo K129 tasol na kisim 200MB FRI data.
KRISMAS TAIM BAI YU KEN TINGIM.

200MB FRI DATA



ALCATEL PIXI K129

3G DIGICELPNG.COM

Digicel

Terms na kondisen istap.

Insait

Bung long lukautim envairomen long olgeta pasifik kantri - p2

LNG givim medikel na sevim laip- p3

Las isu 2013 Catholic Reporter i stap insait - P9,10,19,20



Nelson Mandela bungim ol pikinini long Eerste Wara taun klostu long Cape Town long Novemba 28, 2000.

Lukim stori long pes 14

Belisi, pogiv na fridom presiden i dai

BAMPA ISU

Meri Krismas na Riviu bilong dispela yia i stap insait long dispela Bampa Isu..Noken Abrusim!!!

Neks Wik!
Tupela Isu long wanpela pepa!



OCEAN BLUE TUNA

Gitpela abrus tru na i no dia tumas!

OX & PALM



Pato i amamas wantaim Canberra

Teksim Wari, Tingting, Painim Pren, Wantok o Pas bilong yu i kam nau.. Digicel namba: 7235 6149



Dia Wantok Niuspepa, mi wanpela komyuniti rita bilong Rerono Wantoat. Mi makim maus na pes bilong pipel bilong mi na mi askim memba bilong mipela long Markham, Por hisiker, Lukim memba bilong Nawae, Mangere, Singwing na kamapim join projek na apim mipela pipel long Apa Irimu i go i nap long Kamang, Warabung, Zazang, Worokuo Donan, Kaduming Bugam, mipela i karim pen i kam i nap nau. Ol memba mas lukluk i go insait long rimot eria na givim senis.

10/12/2013

Dia Wantok Niuspepa, olsem wanem na Tripela BSP Benk wok long rausim mani taim mipela i putim na rausim mani? Em i nap long putim intres em wok long rausim mani, gavman bai i nap long stopim o nogat? Tenk yu,

Francis Ninjipa – 10/12/2013

Dia Wantok Nius, mipela ol manmeri arere long Basamuk i no kisim das na nois kompensesen i nap olsem wanpela yia nau. Das na nois viktim.

08/12/2013

Dia Wantok Niuspepa, mi man bilong Nebilyer 1 long WHP. Mi amamas long toktok bilong jastis ministra Mr. Kerenga Kua, em kam long *Wantok Niuspepa* long Novemba 28, 2013. Em i tok long gavman bai sainim planti ol nupela lo bai kamap long neks yia, olsem na mi gat bikpela amamas em tasol. Tenk yu.

06/12/2013

Dia Wantok Nius, mi lokcie, krismas bilong mi 25 na mi bilong Madang. Mi painim wanpela man, wankain krismas olsem mi long mekim pren na maritim. Husat man i gat laik, ringim mi long dispela namba 73833163.

05/12/2013

FOREN Afes Minista, Rimbink Pato, i tok em i amamas long wanem samting i kamap long PNG- Australia ministerial miting long Canberra, Australia long aste.

Mista Pato i tok agrimen namel long tupela kantri i moa strong long wok baileterel namel long tupela kantri.

Em tokim Australia olsem PNG ikonomi i groa strong insait long wol.

Mista Pato i tokim miting long Australia olsem PNG gavman i putim bikpela mani long ol ki eria bilong developmen olsem helt, edukesen, lo na oda na infrastraksa.

Em i tok gavman bilong Australia i lukluk long wok wantaim ol ki developmen eria bilong PNG wantaim ol eid mani ol i save givim long wan wan yia.

Australia Foren Afes minista, Julie Bishop, i tok em bai kam raun long PNG long neks yia.

Sampela samting tupela kantri



Foren Afes Minista bilong Australia Julie Bishop na Mista pato long Canberra miting.

i sainim long wok bung long agrimen em;

-Australia bai sapotim PNG long olim 2018 APEC samit;

-Australia bai go het long sapotim Bogemvil pis agrimen;

-Tupela kantri bai wok poroman long salim moa sisinol wok program

-Tupela kantri bai wok bung long mekim isi long givim visa long PNG i go raun long Australia;

-Bai wok long strongim wok bilong Difens na Polis;

-Australia gavman i sapotim long daunim pasin korapsen long PNG

-Australia gavman i sapotim PNG long stretim rot bilong givim wok kontrak long ol projek long kantri

Minista Pato i tok PNG bai wok wantaim Australia gavman long hevi bilong yumen trefiking. Em tok em i amamas long wok bilong Asailam Sika Senta long Manus.

WNBP Gavman sainim MOU wantaim Digicel

WES Nu Briten Provinsal Gavman i tok orait long mobail pon kampani, Digicel long givim ol komnyunikesen na ICT sevis i go long provins.

Long makim kamap bilong dispela wok, WNB gavana i sainim MOU wantaim Digicel na givim sek long mani mak bilong K1.023 milien long las wik long Pot Mosbi.

Ol sevis insait long dispela agrimen em long kirapim ol komyunikesen sevis i go long olgeta kona bilong Wes Nu Briten. Na Digicel i laik kirapim 3G netwok bilong em.

Gavman Bisnis Dairekta bilong Digicel Garry Seddon i tok orait long Provinsal Gavman i ken yusim ol sevis bilong Digicel olsem intanet long ol skul, publik edministresen long provinsal hetkwata, ol distrik, haus sik na polis fos.

I gat sans nau long narapela ol sevis olsem Tablet long ol skul, redio na televisen brotkas wantaim Digicel vois na data sevis.

Long wankain taim Gavana Bilong Wes Nu Briten Sasindran



Ol memba bilong Wes Nu Briten Edministresen wantaim gavana Sasindran Muthuvel na Digicel PNG Dairekta bilong Gavman Rilesen Mr. Gary Seddon wantaim MOU.

Muthuvel i tok; "Provinsal Gavman bai putim K1 milien long Provinsal Sevis Improvmen Fan (PSIP) long wan wan yia insait long foapela yia stat long 2014, long bringim komyunikesen sevis i go long WNB.

Nau yet, 85 pesen bilong provins i no gat komyunikesen sevis. "Mipela i amamas long wok wantaim Digicel long kisim dispela sevis i kam long ol pipol bilong WNB".Mista, Muthuvel I tok.

Wes Nu Briten Provinsal Gavman i givim dispela K1.023 milien long Digicel bai statim dispela sevis. Insait long foapela yia provinsal gavman bai putim wankain mani inap wok i pinis.

Bung long lukautim envairomen long olgeta pasifik kantri

WANPELA bikpela bung bilong ol kantri insait long pasifik rijon bilong lukautim graun, bus na solwara i bin kamap long Suva long Fiji long las wik.

Sekretariat bilong Pasifik Envaironmen Program (SPREP) i bin go pas long dispela bung. Bung i bin pulim planti ol lida, na tu ol ogenaisesen na ol manmeri husat i save wok strong long lukautim ol samting bilong envairomen.

Wanpela bikpela samting we ol manmeri i toktok long en insait long dispela bung em klaimet senis.

Na tu, ol manmeri insait long dispela bung i bin gat sans long

autim ol wari bilong ol long ol ekspiriens ol i save bungim long bagarapim envairomen bilong ol long ol wan wan ples bilong ol long Pasifik.

Presiden bilong Fiji, Jenerel Ratu Epeli Nailatikau, i bin stap long dispela bung, na em i bin tok welkam long ol arapela lida na manmeri husat i kam long ol arapela Pasifik kantri.

"Yumi ol pipel bilong Pasifik i stap nau long nupela klaimet. Yumi wok long lukim planti hotpela de na tu solwara bilong yumi i wok long kam antap na karamapim giraun bilong yumi na yumi wok long sot long graun, na dispela em i mekim

wok bilong developmen i hat tru." Mista Nailatikau i tok.

"Ol korol rif bilong yumi tu i wok long bagarap long wanem, solwara i kam antap tru na tu, planti rabis i stap long solwara. Korol rif i save helpim yumi long sait bilong givim abus long wanem em i haus bilong ol pis. Em i save helpim yumi long pasim ol traipela si bruk long kam bagarapim ol ples long sait bilong nambis." Mista Nailatikau i tok.

"Klaimet senis em i wok long bagarapim yumi long dispela taim, na yumi mas no ken kamap ai pas. Yumi olgeta kantri bilong Pasifik i mas sanap wan-

taim na wok bung wantaim long lukluk long dispela samting we ol i save kolim klaimet sens." Mista Nailatikau i tok.

Mista Nailatikau i tok olsem Fiji i amamas long holim dispela bung na Fiji bai mekim olgeta samting long edresim dispela isu bilong klaimet sens.

Long 2007, wanpela wankain bung olsem i bin kamap long Alotau long Milen Be long Papua Niugini. Long dispela as, ol deligesen bilong Papua Niugini husat i bin go long dispela bung i bin mekim wanpela tumbuna danis long givim siaman i go long Fiji.

Wantok street agents!

Salim moa pepa na win olgeta wik!!

Sapos yu salim,

- 50 - 80 kopi - 1x Wantok T-slot
- 80 - 100 kopis - 1x Wantok Kap
- 101 - 150 - Wantok Ambrella
- 151 - 200 - Wantok Polo Slot
- 201 plus - Wantok Polo Slot na Cap

Diapela promoter bai stap long Diabla i go long Desemba 2013 lesol.

Ol benk i givim gutpela sevis

Stanley Nondol i raitim

TRESERA bilong kantri, Don Polye i tok ol pipel i mas kisim ol gutpela sevis bilong ol benk long ol i ken mekim benking bilong ol isi long wanem hap ol i stap. Dispela bai helpim ol long mekim bisnis na laip i ken go isi na ol i ken gro wantaim mani.

Minista Polye i mekim dispela toktok long fainensel inklusen ekspso o so long long Pot Mosbi las wik.

Minista Polye i tok ol nupela sevis olsem intanet benking, mobail pon benking na ol arapela sevis benk i givim i mekim isi long ol pipel long yusim long mekim benking.

As tingting bilong dispela ekspso em long wokim awenes long ol nupela prodak na sevis bilong benk wantaim ol sevis i stap pinis, na tok save long ol pipel i ken yusim ol dispela sevis long benking.

Dispela ekspso tu i givim skul tok long ol pipel long rot ol i ken wokim bisnis, kisim dinau long benk, statim liklik bisnis, na sevim mani na menesim mani bilong bisnis gut.

Ol 25 fainensel institusien olsem, BPNG, Nasfan, Nesenel Developmen Benk, Maikro Benk, BSP na

ol arapela i bung long dispela kibung na givim skul toktok. Na soim rot tu ol pipel i ken go insait long bisnis na groim bisnis na sevim mani na menesim gut.

Minista Polye i tok wol nau i kamap liklik wantaim kompyuta na ol fainensel institusien iong kantri i mekim gutpela wok long givim gutpela sevis long pipel olsem mobail, telepon na intanet benking.

Mista Polye i tok maski ol pipel i stap long we long ol rurel ples, ol i ken yusim ol dispela nupela rot bilong mekim benking, na ol i no moa baim PMV na kam long taun olsem bipo.

Em i tok PNG i gat planti benking sevis i stap pinis na gavman tu i putim bikipela milien kina long baset long sapatim ol liklik bisnis.

Tresara bilong kantri i singaut long ol pipel long kantri long sevim mani. Em tok ol pipel bilong PNG i no save sevim na tok olgeta samting nau em mani na tok seving mas kamap pasin bilong yumi olgeta.

Gavana bilong Sentrel Benk, Lo'i Bakani, long dispela kibung i givim setifiket long ol fainensel institusien husat i go pas long mekim wok bilong fainensel inklusen na fainensel litresi bilong sildren na yuth kempen.

Mista Bakani i tok planti ol lapun na bik manmeri i kisim taim bikos ol i no bin gat save long yusim gut mani na mekim bisnis. Em i tok ol pikinini mas no ken kisim bagarap long bhain.

Mista Bakani i mekim dispela toktok taim em i lonsim nesanel streteji na fainensel litresi bilong yut na liklik pikinini.



Ol yangpela meri bilong Simbu i bilas tumbuna na welkamim Minista bilong Tresari Don Polye na Gavana bilong BPNG long 2013 Fainensel Inklusen na Literesi Ekspo long Sir John Guies Sedium long Pot Mosbi.

Sir Bai i amamas long Galp LNG projek

SIAMAN bilong Petromin PNG Holdings Limited, Sir Brown Bai i mekim bikipela tok amamas long nupela patnasip namel long interOil Corporation na Total S.A kamapani bilong France long divelpoim Elk-Entelop ges projek long Galp provins.



Siaman bilong Petromin, Sir Brown Bai.

Sir Brown i mekim dispela tok amamas bhain long interOil na Total S.A i sainim agrimen.

Sir Brown i tok long makim maus bilong Peromin olsem wanpela nomini bilong Stet long Elk-Entelop i tok bikipela amamas long interOil long menesim gut projek na kisim patna long namba tu LNG projek long kantri.

"Petromin i bin wok klostu wantaim interOil long lukim dispela projek i karim kaikai na bai go het long givim moa sapat na wok klostu wantaim patna long dispela projek i ken ron gut" Sir Brown i tok.

Sir Brown tu i surukim bikipela tenkyu na amamas i go long Praim Minista Peter O'Neill, Petrolium Minista William Duma na Galp gavana Havila Kavo, long gutpela lidasip na wok bilong ol long bikipela gavman levul.

Make your **Christmas** wish come true...

Feast

Home Theatre

Holiday

Gifts

New Laptop

...with a **BSP Personal Loan**

- ✓ Fast Loan Approval
- ✓ Flexible Repayment Terms
- ✓ Competitive Interest Rate

320 1212 / 7030 1212 - 24/7
servicebsp@bsp.com.pg
www.bsp.com.pg



Ol Midel Flai papagraun i pait long envairomen bagarap

LUKLUK BEK LONG DISPELA WIK

PM salim tok sori long dai bilong Nelson Mandela

PRAIM Minista bilong Papua Niugini, Peter O'Neil, i bin salim wanpela leta long namba 6 de bilong dispela mun i go long Presiden bilong Saut Afrika, Jacob Zuma na ol pipel bilong em long tok sori long dai bilong wanpela bikpela lida bilong Saut Afrika na bilong wol tu, Nelson Mandela.

Long makim maus bilong olgeta pipel bilong Papua Niugini, Mista O'Neill i tokim Mista Zuma olsem ol pipel bilong Papua Niugini i serim dispela hevi insait long lewa bilong ol.

Mista O'Neill i tok em i luksave long bikpela wok Mandela i bin mekim long stretim hevi bilong ol pipel bilong Saut Afrika, na bilong wol tu. Mista O'Neill i tokim Mista Zuma olsem Papua Niugini bai tingim Mandela long nau na long bihain taim tu.

"Olgeta manmeri long wol i luksave long bikpela wok Nelson Mandela i mekim. Nelson Mandela em i lida bilong yumi olgeta pipel bilong wol, em i wanpela trupela lida, na yumi olgeta bai misim em." Mista O'Neill i tok.

Yumi ol pipel bilong wol i mas tok tenk yu long Saut Afrika long givim wanpela lida olsem Nelson Mandela.

Na yumi olgeta pipel mas traim long lainim long eksampel bilong em na wok-about wantaim long nau, na long taim bihain.

Long wankain taim, Gavana Jenerel bilong PNG, Sir Mchael Ogio, i tok pipel bilong Saut Afriuka na wol i lusim biknem lida i bin sanap strong long kamapim sempion bilong belisi pasin, yuniti na jastis.

"Bikpela samting Nelson Mandela i bin wokim em long rausim apateit o pasin bilong rabisim ol blekman na kamapim yuniti namel long ol blekpele, waitpela na ol narapela kala skin pipel long Saut Afrika.

Pasin bilong em long pogivim ol narapela i wokim asua long em taim em i stap long kalabus, strongpela tingting bilong em long rausim apateit na daun pasin bilong dispela bikpela lida i mekim em i wanpela top na biknem lida.

Stanley Nondol i raitim

PAPAGRAUN bilong Iowa Bamu Lokal Level Gavman (LLG) long Midel Flai long Westen provins i singaut long memba bilong ol, Roy Biama na gavana Ati Wobiro long helpim ol long pait bilong ol long envairomen bagarap i kamap long wara Sagai.

Papagraun bilong Iowa Bamu i makim Sudamo Asosiesen i tok Steamship Siping kampani i bagarapim envairomen bilong ol long wara Sagai na laikim tupela memba long helpim ol long wok painimaut i ken kamap long ol bagarap.

Siaman bilong Sudamo Asosiesen, Philip Gerai na Dairekta Bakaya Amai, wantaim sampela memba bilong asosiesen i lusim ples na kisim dispela hevi bilong ol pipel i kam long Mosbi long lukim gavana Wobiro na Mista Biama long kisim helpim.

Mista Gerai i tok Steamship Shipping kampani long Oktoba 10, 2013 i karim ol bikpela masin na kago i go long stretim Balimo ples balus i brukim graun arere long wara Sagai na mekim rot long wara Sagai i bruk na tait wara i bagarapim ol ples.

Mista Gerai i tok taim tait wara



Siaman bilong Sudamo Asosiesen Philip Gerai na Dairekta Bakaya Amai i sanap baksait wantaim ol memba bilong asosiesen. Ol i kam long Pot Mosbi long ples bilong ol long Midel Flai long lukim memba Biama na gavana Wobiro.

bilong Sagai i kam i bagarapim ol saksak, banana, diwai, welpam na ol gadenkaikai bilong ol ples manmeri.

Ol ples manmeri i kisim taim bikos wara Sagai i no moa ran long rot bilong em.

Bikpela masin bilong- Steamship kampani i ol hevi na bagarapim graun na wara Sagai i ron long olgeta hap na ples i bagarap.

Mista Gera wantaim ol papagraun i tok ol i toktok pinis wan-

taim Steamship kampani long stretim dispela bagarap. Steamship kampani i redi long lukluk long bagarap tasol i laikim ripot bilong wok painimaut long dispela bagarap.

Ol papagraun i tok ol i laikim helpim bilong memba Biama na gavana Wobiro long helpim ol long putim wok painimaut i ken kamap long ples bagarap, na ol i ken toktok wantaim Steamship kampani taim ripot i redi.

Ol i tok ol i traim long toktok

wantaim tupela memba tasol em i hat tru bikos ol lida ol i makim i no stap long ples. Olsem na ol i baim balus i kam long lukim ol long Mosbi.

Ol papagarun i singaut long tupela memba long tok klia long ol ples lain i kisim bagarap long wanem taim bai wok painimaut i kamap long dispela bagarap.

Mista Gerai i tok tait wara bilong Sagai i wok long bagarapim ples yet na ol pipel i kisim taim bikos gaden kaikai na ol ples i bagarap.

Midia em ki institusen long daunim korapsen

Kolopu Waima i raitim

RESIDEN mausman bilong yunaited Nesens Developmen Program (UNDP) long Papua Niugini Roy Trivedy i tok midia em wanpela ki institusen long paitim korapsen insait long kantri.

Em i tok midia i gat pawa long wanem, ol stori ol ripota i raitim i save givim tingting long olpablik manmeri long oli ken tokaut long wanem kain tingting, ol i gat long ol lida.

Mista Trivedy i mekim dispela toktok long "2013 Ekselens Enti-Korapsen Ripoting Award" long Grand Papua Hotel long Tunde.

Em i tok korapsen em wanpela samting we em isave pasim rot bilong givim gutpela sevis, wok ples klia na gutpela gavman. Emi tok UN Konvensen Egensim Korapsen (UNCAC) i bin stap 10 pela yia long daunim korapsen.

Mista Trivedy i tok midiai save makim maus bilong ol pablik na i save mekim bikpela wok long

putim gavman long ples klia long ol kain wok bilong en. PNG igat planti risos we em bai karim mani kam insait na planti wok developmen bai kamap. Olsem na ol nius ripota i mas save gut long ripot na putim ol dispela welt na ikononik i go insait long developmen bilong Papua Niugini.

Mista Trivedy i tok long midia award bilong dispela yia, 5 pela man tasol i givim pepa bilong ol na ol komiti sindaun na glasim. Ol komiti i bin lukluk long foapela

diferen grup long prin, radio, TV na sosol midia.

Mista Trivedy i tok olgeta stori ol i salim kam i gutpela tasol wanpela man tasol i kamap wina. Em i Mista Elias Nanau. Mista Nanau bai go ovasis long stadi long raitim investigetiv ripot. Ol narapela i kisim pepa em Mista Andrian Mathis (prin), Mista Dorcas Tindri (Radio), Mista Benny Malaisa (TV) na Mista John Yanda (Sosol Midia).

Bai no gat fainal eksam bilong gret 8 na 10

Kolopu Waima i raitim

Gret 8 na 10 bai no inap sindaun long nesanel eksam stat long neks yia.

Fes Asisten Seketeri bilong Stended na Karikulum wantaim Dipatmen bilong Edukesen, Dokta Eliakim Apelis i tok ol gret 8 na 10 bai no inap wokim fainol nesanel eksam tasol olgeta bai wokim eksam taim ol i wokim gret 12. Dispela em bilong mekim olgeta pikinini i skol na kisim haia skol setifiket. Dispela bai mekim isi long ol i ken go long haia institusen na long ol teknikel kolis.

Dokta Apelis i mekim dispela toktok long tupela de

woksop ol Japan Intanesenel Koporesen Egensi (JICA) wantaim Dipatmen bilong Edukesen i holim long kisim bes lain survey long Aut Kam Bes edukesen(OBE).

Em i tok tu olsem, Dipatmen bilong Edukesen bai pinisim Stended Bes Edukesen (SBE) stended karikulum developmen plen neks yia. Taim em pinisim SBE, olgeta sumatin bai sindaun long wanpela eksam tasol long Gret 12.

Em i tok, long kisim kwaliti edukesen, i emwanpela bikpela salens bilong edukesen sekta.

Dokta Apelis i tok moa olsem Papua Niugini bai no

inap kisim ol ausait man long kam helpim long ol wok. "Mipela i gat ol save-man istap.

Mipela yet bai mekim ol wok long tingting na save bilong mipela we bai isi long lukim, ritim na luksave. Mipela bai tokim ol long kam helpim mipela long eria we mipela i no gat ol saveman bilong mipela i stap," Dokta Apelis i tok.

Dokta Apelis i tok ol bai rausim Autkam Bes duksen (OBE) na senisim wantaim SBE. Em i tok SBE frem wok em ol saveman bilong edukesen bilong Papua Niugini yet i wok na raitimi stap, na em bai pinis long neks yia.

BSP bai i opim akaun bilong pikinini

Aksie Akibiang i raitim

BENK Saut Pasifik (BSP) i gat nupela sevis, disela em long Pikinini Sevin Akaun we ol papa mama i ken sevim mani long bihain taim bilong o, pikinini bilong ol krimas wan yia i go ten yia.

Dispela nupela akaun i kam wantaim gutpela plen bilong kisim winmani na bai i nogat fi long en. Bai yu no inap widro o rausim mani nating inap yu winim as yu putim or sevim mani.

Ol papa mama na wasman bilong pikinini i ken opim akaun wantaim K2.00 tasol wantaim tu ol i mas soim setifiket bilong mama karim bilong pikinini o bilong baptais, CIF fom na tu paspot sapos em i gat.

Bai i nogat lo long hamas mani mas stap long akaun na tu bai nogat kain kain fi olsem long wanwan mun, deposit, widro na tu bilong sekim balens.

Wantaim dispela Pikinini Sevin Akaun yu tu ken putim mani i go insait wantaim long mobail pon, intanet, na telepon benkin na tu intres em bai ol i putim long wan wan dei tasol i go insait long akaun bihain long wan wan mun. Yu ken kisim benk stemen wanem taim yu Laikim.

BSP i bihainim polisi bilong Benk ov Papua Niugini long kisim benkin sevis i go long olgeta man meri bilong PNG long ol bik taun na tu long ol liklik ples.

Em i statim ol benkin sevis

olsem Rural benking, Sumatin Akaun bilong ol skol sumatin, Elektronik na mobail benking na planti moa long givim benkin sevis long ol man i no i no bin kisim benkin sevis bipo.

Long las wil Fraide na Sarere long Fainensal Inklusen Ekspo long Sir John Guise Stadium long Waigani, BSP hauswin i bin kisim planti manmeri, sumatin na pikinini husait i bin kam long harim na kisim save long benking sevis bilong BSP na tu long opim ol akaun.

Long kisim moa toksave long ol dispela akaun na tu long opim yu ken go long BSP Benk klostu long hap bilong yu na ol wokman bai helpim yu.

LNG givim medikel saplai na sevim laip

MALTI bilien kina PNG LNG projek we Exxon Mobil i go pas i sapotim wok bilong helt long planti iap long kantri . Na dispela i sevim laip na planti helpim ol sik manmeri na pikinini i kisim.

Tupela sik man na meri husat inap long lusim laip i stap laip yet bihain long tupela i kisim helpim long Kikori haus sik wantaim ol medikel ikwipmen we Exxon Mobil i givim.

Dokta Patrick Koliwan i tok wanpela man i gat bikpela sik sot win na rait lang bilong em i no moa wok i kam na kisim helpim long Kikori haus sik.

Dokta Koliwan i tok ol i yusim nupela monita, nebulaisa na pals oksimita we PNG LNG i givim long sekim dispela sik man. Dokta i sevim dispela man bihain long ol sekim na stretim em wantaim ol dispela masin.

Wanpela bel mama i go sekim em long klinik. Em i no save olsem em bai kisim tuwin bebi. Bihain long dokta i sekim em wantaim ol ikwipmen we PNG LNG i givim, ol i

sevim mama wantaim tupela bebi. Ol tripela nau i stap laip.

Dokta Koliwan i tok Kikori haus i gat ol nupela ikwipmen long imejensi dipatmen, leba na sejikel tieta. Em i tok haus sik i ken givim gutpela sevis i go long ol sik manmeri long provins.

Em i tok ol dokta, nes na ol woklain long Kikori haus sik i amamas long wok wantaim gutpela samting bilong wok. Em tok tenkyu long LNG i luksave long hevi bilong haus sik.

Long wankain taim, PNG LNG i wok patna wantaim Medisend international, Maersk Shipping na PNG Tribal Foundation na givim 25-fut kontena pulap long kain kain medikel ikwipmen i go long Goroka, Mt Hagen, Kikori haus sik na ol sampela klinik olsem Para, Juni, Porebada, Mananda na Idauwi.

LNG i helpim wantaim moa long 130 ikwipmen bihain long wok painim i kamp long wanem samting ol haus sik na klinik i nidim long ya 2011.



LNG : Bikpela Kontena kar bilong PNG LNG I karim medikel saplai bilong ol haus sik na klinik.

Melanesian Institute soim ol buk

WANPELA bikpela Institut we i save wokim bikpela wok risets na raitim ol buk long ol kainkain pasin tum-buna, kalsa, sosel isu na soseri o sanguma em Melanesian Institut (MI) long Goroka, Isten Hailans.

Long ol self bilong MI, em i gat ol kain kain buk we i gat ol bikpela toktok i sut stret long sanguma – samting we i wok long kamap bikpela tru long olgeta hap long hailans na PNG tu.

Dispela ol buk i gat planti gutpela skul toktok long helpim ol manmeri long lukluk, skelim na kisim helpim tu long en.

Jenerel edita na het bilong pabliken dipatmen long MI, Gaudi Gabutu, (long foto) i soim ol kainkain buk, planti long ol i toktok long sanguma long Goroka.

Poto: Sape Metta



Polis arestim namba tri man bilong Insurens Komisen

POLIS i holim pasim narapela opisa bilong Insurens Komisen long pasin korapsen long Tunde.

Ol i arestim Deputi Insurens Komisina Ludwig Repo we i mekim namba bilong ol opisa bilong Insurens Komisina i go antap tripela. Ol i arest i bin kamap bihain long wanpela komplem we Melanesian Re Brokers Limited, bilong opisal korapsen na abius long opis aninit long Kriminal Kod Ekt.

Ludwig Repo, husat i gat 49 krismas, i bilong Kagua long Sauten Hailans Provins. Ol i sasim em long namba wan asua long opisal korapsen na namba wan kaun long bagarapim opis we iligel wok kamap namel long Novemba 2012 and na Jun 2013.

Dairekta bilong Melanesian Re Brokers Limited na

komplen man, Peter Pena, i tok olsem namel long Novemba 2012 na Jun 2013, em i aplai gen long brokering laisens wantaim opis bilong Insurens Komisina.

Mista Pena i tok olsem ol insurens komisin opisal wantaim Ludwig Repo i no givim laisens tasol ol i putim non-eksisten statutori provisen bilong Insurens Ekt 1995.

Narapela tupela opisa polis i arestim long wankain asua em Insurens Komisina Salamo Elemana Asisten Insurens Komisina Raho Samuel. Kot bilong ol i stap nau long Waigani Komitet kot.

Polis i mekim wok painim aut i go het yet, na ol bai arest moa lain sapos sampela i stap insait long dispela ol asua.

Megabo Praimeri skul amamas long slip

Sape Metta i raitim

OL sumatin wantaim papamama long rurel Megabo SDA praimer skul long Uggai/Bena distrik Isten Hailans i bin kamapim bikpela amamas long taim ol stendets opisa bilong ol Skul Lening Imprumen Program (SLIP) i kamap long skul bilong ol.

Dispela em long wanpela rivi program we ol i bin kisim ol toktok na ripot long ol sumatin, papa-mama, skul edministresen, skul bod na ol lokel komyniti long wanem samtin SLIP program i kamapim long skul bilong ol long Trinde wik i go pinis. Tupela sumatin (long foto) i go long SLIP stendets opis bilong



Uggai/Bena distrik, Francis Alua (namel long baksait) na ol arapela opisa i kamap long

Megabo skul we i stap moa long 30 kilomita ausait long Goroka taun.

Poto: Sape Metta

Namta Praimeri skul i naispela ples

SEN Bernard Namta Praimeri skul i stap samting olsem 28 kilometa long rurel Apa Asaro eria ausait long Goroka Isten Hailans.

Em i soim em yet olsem em i wanpela skul we i winim tru ol arapela praimer skul, long wanem, em i gat gutpela na ol naispela samting insait na ausait long skul banis.

Wanpela long dispela ol seting em wara fauten em tupela elementeri skul sumatin, Amy Taikies na Theresia Doriso, i yusim long wasim pes bilong tupela.

I luk olsem I no gat kain wara fauten long ol arapela skul long provins, ol arapela skul tu long hailans na PNG tu.

Gavman i makim kampani bilong saplaim ol marasin

MINISTA bilong Helt na HIV/AIDS, Michael Malabag i tokaut olsem Sentral Saplai na Tenda Bot (CSTB) bilong Nesnel Dipatmen bilong Helt i makim First, Borneo Pacific Pharmaceuticals (BPP) long baim na saplaim ol medikal kits long PNG.

Wanpela PNG kampani na i rejista aninit long Famesi Bot bilong Papua Niugini na i gat Impot Laisens na Holsel Ekspot Laisens, iwinim tenda bilong baim ol marasin long ovasis kantri na dilim long ol helt senta na helt etpos.

Minista Malabag raitim wanpela pas long bekim askim bilong Memba bilong Suave, Wera Mori, long dispela kontrak we NEC i bin givim long dispela kampani. Em i laik mekim klia tu toktok Profesa Glen Mola i mekim long Post Courier long las wik.

Minista Malabag i tok, em i wok bilong Dipatmen bilong Helt, long baim ol marasin bilong Papua Niugini.

Sentral Saplai Bot na Tenda Bot (CSTB) bilong Nesnel Dipatmen bilong Helt i bin singaut long ol tenda long saplaim ol Etpos na Helt

Senta Kit. Ol i bin advetais long intanesenel bihainim lo bilong Fainens Menesmen Manual Hap 13, Seksen 9 (d) we em i tok ol i mas advetais long ovasis. Dispela advetais i bin kos PGK10 milien.

Gavman bilong Papua Niugini i bin givim dispela mani, olsem na ol wok i kamap long givim dispela tenda em i bihainim ol lo i stap long PNG. Ol dispela lo em Pablik Fainens Menesmen Ekt na Medisin na Kosmetik Ekt bilong Papua Niugini.

Misata Malabag i tok olsem ol i bin bihainim stretpela rot long

ranim dispela tenda inap long sikspla wik, wantaim pri-bid o pri-tenda konprens bilong olgeta lain husat i gat tingting long mekim dispela wok. Taim ol i bihainim olgeta rot bilong kamapim tenda, ol i bin givim i go long Nesnel Eksekutiv Kaunsil (NEC) na ol i tok orait long em olsem NEC Disisen Namba 379/2013.

First, Borneo Pacific Pharmaceuticals Kampani i save mekim famasi bisnis insait long PNG stat long 1996. Em i save saplaim marasin i go long ol arapela gavman bilong Pasifik kantri olsem Fiji, Vanuatu na Solomon Ailan. I no

long taim i go pinis, ol i opim wanpela nupela bakstua bilong marasin na em i mekim wok rere long kisim ISO akreditesen. Dispela kampani save dilim 40 pesen medikal kit i go long ol Etpos, Helt Senta na long helt dipatmen.

Em i tok, planti intenesel kampani i bin aplai long tenda long saplaim ol marasin long ol helt senta na etpos tasol ol i no inapim olgeta samting lo bilong PNG i tok long en.

Ol yet i no save mekim ol marasin tasol ol i save baim marasin long ol kampani we i long ovasis we i gat luksave bilong Wol Helt Oganaisesen.



Yut, Meri na Famili

Pastor Barbara Lunge

Stap isi na wetim papa bilong yu

"Yupela i mas prea na askim God givim ol samting long yupela, na em bai i givim long yupela. Yupela i mas wok long painim samting na bai yupela i lukim. Yupela i mas paitm dua, na God bai i opim long yupela. Olgeta man i prea long God, ol i save kisim ol samting. Man i wok long painim samting, em i save lukim. Na man i paitim dua, God bai i opim dua long em." Matyu 7:7, 8.

God papa bilong yu i laik blesim yu gut tru. Taim yu no kisim samting hariap, yu no ken ting olsem em i no laik givim long yu, nogat. Olgeta samting i save kamap long gutpela bilong ol lain i laikim Bikpela na bihainim laik bilong em.

Tasol God i gat taim bilong olgeta samting i save kamap aninit long heven. i gat taim bai i kamap long yu kisim gutpela samting bilong yu na bel bilong yu bai i stap isi. Ol pasin nogut bilong yumi i mas pinis na yumi mas kamap naispela long ai bilong God.

Sapos yu no lukim ansa bilong beten bilong yu yet, ol dispela baibel ves em i gutpela long yu ritim na kisim: Gutpela Sindaun 8: 17-21; Jop 22:23 - 25; Lamentations 3: 32, 22, 23, 26; Buk Song 23: 6; 37: 4-6; Aisaia 62:8-9.

"God i tok olsem, 'Bai mi kisim bek ol man i laikim mi tru, na bai mi lukautim gut ol man i save tru long mi. Taim ol i prea long mi bai mi harim prea bilong ol. Na sapos hevi i kamap long ol bai mi stap wantaim ol. Na bai mi kisim bek ol na givim biknem long ol. Bai mi skruim laip bilong ol i go longpela olsem prais bilong ol. Na bai mi kisim bek ol na ol i stap wantaim.'" Buk Song 91:14-16.

"Em i gutpela long wet long God i mekim olgeta wok bilong em long laip bilong yumi. "Long dispela taim, mun bai i lait strong tumas olsem san.

Na san bai i lait strong moa yet na lait bilong en bai i kamap bikpela tru i winim lait oltaim em i save givim. i olsem yu bungim lait bilong san bilong 7-pela de wantaim na mekim em i lait long wnapelade tasol.

Dispela ol samting bai i kamap long taim Bikpela i mekim gut gen long ol manmeri bilong em na pinisim ol hevi na pen em i bin givim ol." Aisaia 30:26

Sapos yu laik toktok moa o yu nidim prea, yu ken rait long: Evangelis Barbara Lunge, ROGIM, P.O. Box 3063. Boroko. NCD. PNG, o ring long bm 67331426 OR 71075829 dg

Beten long strongim wok helt...

Deputi Helt Seketeri, Dokta Paison Dakulala, i beten long taim bilong Krismas pati bilong ol woklain bilong Helt Dipatmen i pasim wok bilong yia 2013 insait long Dynasty Restron , long Waigani, NCD.

"Long wok bilong helt em yumi toktok long God em i namba wan man bilong oraitim sik. Dispela Krismas yumi mas beten long yumi mas mekim gutpela wok long lukautim gut ol pipel bilong yumi long i stap gut, Amen," Dokta Dakulala i beten olsem.



Dispela mun Yunaited Nesen i makim 20 de bilong luksave long rait bilong ol man, na toktok strong tu long rispekim ol meri. Long Tunde nait Australia Hai Komisin bin soim wanpela muvi piksa we i soim ol 6-pela yangpela meri bilong 6-pela kantri, taim ol i liklik na i kam bikpela na bungim liklik hevi. Papua Niugini tu i bin stap insait long dispela muvi piksa we i stori long wanpela yangpela meri bilong Vabukori insait long NCD. Stori bilong em taim em i gat 15 krismas na mekim gret 7 na kasen bilong em givim bel long em na em i lusim skul. Dispela i mekim papamama bilong em i rausim em long haus na em go stap wantaim tumbuna meri bilong em. Ol narapela 5-pela meri tu gat stori bilong ol, ol mekim long dispela wan awa 30 minit piksa we wanpela namba wan meri bilong mekim muvi piksa Rebecca Barry bin mekim na em i bin raun long dispela 6-pela kantri long kamapim dispela muvi piksa long toktok long lukautim ol meri na respektim ol. Long dispela piksa ol yangpela meri i lukim piksa bilong ol dispela 6-pela meri long websait long Australia Hai Komisin bihain long dispela sotpela muvi piksa.

Poto na Stori Nicky Bernard.

Polis meri i pinisim sinia lidasip kos

TUPELA polis meri i bin stap namel long 20 sinia opisa bilong Royol PNG Konstabuleri Sinia Lidasip Developmen Program long Fonde las wik.

Tupela em Sif inspekta Delilah Sandeka na Ekting Asisten Komisina bilong Polis Rifom, Joanne Clarkson. Tupela polis meri wantaim sampela polisman i pinisim las kos bilong program long Bomana Polis Koles long las wik.

Komisina bilong Polis, Toami Kulunga i tok, dispela em i nambawan taim bikpela namba bilong ol opisa i kisim dispela program.

"Pastaim mipela i save salim wanpela o tupela opisa i go long kisim kos long Australia. Tasol mipela i lukim bikpela baret namel long ol junia i go long namel menesmen bilong konstabulari, taim i no bin gat rikrutmen long moa long 10 yia, mipela tingting glong mekim wanpela bikpeal samting," Mista Kulunga i tok.

"Sinia Lidasip Developmen Program em i wok poroman bilong RPNGC na Australia Federal Polis aninit long Papua Niugini Polising Patnasip wantaim Australia institut bilong Polis Menesmen.

"Planti bilong ol sinia opisa i stap long mak bilong Sif Superintenden, Asisten komisina, deputi komisina na mi yet tu bai klostu ritaia. RPNGC i mas go het wantaim wok na sanap strong, olsem na mipela i mas lainim gut ol yangpela opisa long kisim ples bilong mipela," Komisina Kulunga i tok.

Makim polis menesa long lidasip kwali

Kolopu Waima i raitim

METROPOLITAN Suprintenden bilong Lae, Ivan Lakatani, i tok makim ol polis menesa long lidasip kwali ol i gat nai no long mak ol i save holim.

Mista Lakatani i mekim dispela toktok long polis Sinia Lidasip Training long Grand Papua Hotel long Pot Mosbi las wik.

Em i tok ol polis menesa i mas no ken makim ol long mak sistem, ol i mas makim ol long save, strong na lidasip em i gat long lukautim ol man gut.

Em i tok polis menesa emi olsem saijjen we em i gat save long lidasip, nai save long mekim ol wok olsem menesa.

"Apoimen bilong ol polis

menesa i mas kam long ol man i gat save long menesa posisen na no ken makim long mak sistem,"Mista Lakatani i tok.

Em i tok menesa posisen em i bikpela wok na planti salens i save kamap na ol man husat i no klia long menesa posisen na nogat lidasip bai no inaplong mekim wok gut.

Mista Lakatani i tok moa tu olsem, kisim ol polis man, husat i lusim polis wok na stap long ples i ken kam bek na givim ol gutpela toktok long ol menesa. Em i tok ol dispela ol man stap nating long haus o mekim ol narapela wok, em ol i gat gutpela tingting long tokim ol menesa long wok gut na stiaim ol.

Em i askim ol menesa husat i stap nau long givim gut toksave olgeta taim we dispela toksave bai helpim ol haia atoriti long lukim na mekim disisen gut na em bai helpim ol long baset tu.

Em i tok sapos ol i no givim toksave o ol i givim rong toktok, em bai kamapim ol kainkain samting na wok bai i no go gut.

Komisina Kulunga go lukim ol balot boks ol i brukim long Madang



Komisina Kulunga i sanap harim toktok bilong ol arapela polis opisa long asua bilong balit bokis long Madang.

Kolopu Waima i raitim

Komisina bilong Polis, Toami Kulunga i tok, toktok long ol gutpela samting i kamap long kantri na maski long toktok tumas long ol samting i kamap we i no gutpela. Em i tok wanem samting i bin kamap em kamap pinis. Toktok long ol gutpela samting we em bai helpim sindaun bilong ol komyuniti.

Mista Kulunga i mekim dispela toktok taim em i bin go long Madang long lukim ol balot bokis sapota bilong sampela kenidet i bagarapim long Madang open bai-ilekesen las wik.

Mista Kulunga i go long Madang na i toktok wantaim

Provinsal komanda Sif Suprnitenden Sylvester Kalaut, ol provinsal ilekesen opisal, Madang Ilekesen Menesa Cyril Retau na ritening opisa Adolf Duangha.

Em i tok wanem samting i kamap i kamap pinis, nau noken mekim dispela kamap ilekesen nogut. Em i no gutpela long ol pipel bilong Madang i no gat wanpela mausman long Palamen.

"Mipela olgeta mas bungim han na mekim dispela wok go gut long ol i gat mausman long Palamen,"Mista Kulunga i tok.

Em i tok Mobail skwad 6

bilong Mt Hagen, ol salim i go long Bulolo, long Morobe provins long stopim pait, i go long Madang. Dispela i apim namba bilong ol polis long Madang na ol i kontrolim gut na ilekesen kamap gut.

Em i tok i gat sampela midia ripot i kamap tasol ol polis na ileketrol opisali tok tupela balot bokis tasol ol sampela sapota i bagarapim klostu long Madang Polis Stesin.

Ritening Opisa Adolf Duangha i tok tupela balot bokis ol karim i kam long bot long Madang polis stesin we ol sampela saspek sapota wanpela kendidati bagarapim.

Nidim gutpela trening ikwipmen long Bomana polis koles

Kolopu Waima i raitim

BOMANA polis koles i nidim ol gutpela trening samting long trening ol nupela polis man na meri.

Trening Kodineta, Supritenden Nauna Vanuawarui mekim dispela toktok long Royal Papua Niugini Konstabulari Sinia Lidasip Developmen Program long Grand Papua Hotel long Pot Mosbi las wik.

Em i presenim pepa bilong em long "Developing blu kalsa"we em i bin tok Bomana polis koles em i wanpela trening koles tasol i stap long PNG bilong trening ol polis long kamap memba bilong RPNGC na i mas i gat ol gutpela trening samting long trenim ol nupela polis opisa.

Mista Vanuawarui tok nogat wanpela sapot wokman, olgeta polisi i no wok gut na wok bilong ol nupela polis husat i kam aut long trening i no wok gut.

Emi tok dispela koles i nidim gutpela na nupela trening model we ol trena i ken trenim ol nupela opisa gut na mekim gut.

Long wankain taim, Sif Inspekta Delilah

Sandeka, husat i save stap long Bomana trening koles i tok i mas i gat ol sinia polis man na meri bilong lukautim ol nupela polis husat igreduet na go long wok.

Em i tok ol i save trenim ol tasol na salim ol go long wok, tasol i no gat wanpela sinia opisa long lukautim na helpim moa long wok bilong ol.

Misis Sandeka i tok ol i save go aut, mekim ol wok long laik bilong ol na sampela taim ol i no save mekim ol wok ol inap long mekim na ol narapela save kisim nem nogut.

Em i tok tu olsem koles i nidim nupela trening program bikos taim i senis, ol nupela teknoloji tu i kamap na ol polis mas i gat save long ol dispela na redi long kain senis.

Polis Komisina Toami Kulunga i tok ol menesmeni lukluk long ol dispela pinis na ol bai mekim koles i moa gutpela bilong trenim ol opisa.

Sinia lidasip program em i wanpela bikpela program bilong RPNGC, na em bai i helpim ol polis long stretim lidasip bilong Konstabulari long Papua Niugini long bihain taim.

Bougainville polis kisim trening

Ol Bougainville pipel now bai i kisim sapot long gutpela saveman bilong polis long wok painim aut na prosekuta behain long 23 sumatin greduet long wanpela trening.

Advens wok painim aut skilna prosekuta kos ol Royal Papua Niugini Konstabulari trenai givim i kisimsapot i kam long Australia.

Autonomus Bougainville Gavman (ABG) vais Presiden, Patrick Nisira, kansolar, Dvelopmen koporesen bilong Australian High Com-

mission, James Hall, i opim graduesen long Buka.

Mista Hall i tok sapos sistem wok orait, lo bai wok gut long kamapim gutpela sindaun bilong ikononik na sosol developmen na demokretik sistem bilong gavman.

Em i tok ol sumatin pinisim skul em i bikpela nai gat strong na komitmen ol putim wantaim long skelim toktok long givim belisi nagivim gutpela sevis long lo na oda long Bougainville.

Bipo long dispela trening, ol i no gat ol gutpela saveman long wok painim aut. Namel long ol dispela greduet, tupela meri pinisim skul, narapela Sheena Cook, i kam namba tu.

Dispela i minim olsem polis bilong Bougainville long olgeta tripela rijen i gat save na bai mekim wok gut. Ol PNG Royal Konstabulari trena bilong Bomana trening senta bilong ekselesen i givim trening.

PAINIM OL STRINGA O FRILENS RAITA LONG OL PROVINS

Wantok Niuspepa i painim ol stringa/frilens raita o lain i ken raitim ol nius stori long Tok Pisin na salim i kam long mipela long putim long pepa bilong yumi ol PNG stret.

Mipela i laikim ol stringa long Hailans rijon olsem Sauten Hailans na ol provins olsem Simbu, Enga, Jiwaka, Hela na Westen Hailans Provins. Long Momase rijon na ol provins olsem Is na Wes Sepik, Lae na Madang na long ol Niugini Ailans provins olsem Is Nu Briten, Wes Nu Briten, Manus, Nu Ailan na Otonomes Rijen bilong Bogenvil. Mipela i gat inap stringa long Mosbi na olsem Sapos yu wanpela skul tisa, wok manmeri long gavman, praivet sekta na sios, o yu wanpela manmeri i gat save na laik long rait na yu laik promotim provins na ples bilong yu, salim pas long intres bilong yu, o salim email o ring i kam na toktok long Ekting Edita. Ol kontek edres na telepon namba em: The Acting Editor, Wantok Niuspepa, C/- Word Publishing Company, P O Box 1982, Boroko, NCD. O email: editorial @ wantok.com.pg o ring long telepon namba 3252500 o feks 3252579.

FARM TRACTORS

- Slashers
- Disc Ploughs
- Disc Harrows
- Post Hole Augers
- Trailers

120hp

90hp

70hp

50hp

40hp

*Photo for illustration purposes only

PORT MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 8748 | email: machinery@agmark.com.pg

200 sumatin i pinisim tisa trening

TUhandret (200) praimer skul tisa greduet long tripela tisa koles wantaim spona bilong European yun-ion.

Ol tripela tisa koles em Scared Heart long Nesenel Kapital Distrik (NCD), Dauli long Hela na Gaulim long Wes Nu Briten.

Human Risos Developmen Program (HRDP1) ki ekspat, Michael Ellenrieder i tok EU HRDP1 i helpim long ol yangpela praimer skul tisa long Papua Niugini tising sevis. Dispela program, i stap aninit long lidasip bilong John Stunnenberg wantaim sapot i kam long ol miks nesenel naintaneseneltim.

Dispela program i wok wantaim Dipatmen bilong Edukesen long givim skolasip long ol tisa stap longwe long taun na siti. Taim ol i kisim save em ol bai i go bek long ol bus ples na skulim ol pikinini long neks yia.

“Nau yupela i stat tasol, bihain yupela bai i gat moa save long wok bilong yupela na bai yu yet i amamas long wok bilong yu,” Ellenrieder i tok.

Ol HRDP1 opisa i go long olgeta

tripela tisa koles na lukim ol tisa i kisim pepa bilong ol. John Stunnenberg ii tok, “Em i salens bilong yupela ol tisa long skulim ol pikinini. Ol pikinini bai i ken long kisim save we em bai kam long yupela.”

Em i tok olgeta wok em ol gutpela wok tasol. Man o meri husat i laikim wok bilong en em na mekim wok em bai amamas na em bai givim o mekim gut long wok bilong en.

Em bai no inap pilim les long wok na ol pikinini tu bai amamas long skul.

HRDP1 tu i laik mekim ol namba bilong tisa go antap na ol dispela tisa ii ken stap long ples longwe long ol taun na siti.

Planti ol tisa nau i les long stap long ol ples we no gat gavman sevis ii stap long en. Tasol HRDP1 em peim skul fi na salim ol i go long skul na ol i kam bek i ken stap long pleas na skulim ol pikinini.

Dispela program em wanpela bilong Edukesen Sekta Impruvmen program (ESIP) long mekim Nesenel Edukesen Plan i wok.



Ol sumatin kisim pepa bilong ol long Gaulim tisa koles. Foto: HRDP1

Nesenel Edukesen Bod lukluk long pinisim OBE

Seketeri bilong Edukesen, Dokta Michael Tapo i pinisim Nesenel Edukesen Bod (NEB) miting wantaim lukluk long rausim Aut Kam Bes (OBE) edukesen na kamapim niupela Stendad bes edukesen.

Dokta Tapo i tok tu olsem ol i bin lukluk long Edukesen Polisi prioriti bilong gavman olsem fri edukesen na mani mak long ol skul bai peim long 2014. Em i tok em i lukluk tu long kamapim sampela rot na redi long kompalsari edukesen na infomesen na Kominikesen Teknologi sistem we bai kamap long ol skul we ol skul, tisa, provins na distrik bai kisim gutpela toksave.

Mista Tapo i tok ol Bod i toktok moa long teknikal na wokesenel edukesen polisi long helpim ol gut long wanem kain ol haia wokesenel, ol teknikal sekendari skul, wokesenel edukesen na komyuniti koles. Em i tok tu olsem ol bod i lukluk long hamasmaniol dis-

pela skul bai kisim wantaim ol nara-pela teknikal na wokesenel skul.

NEB i tok tu long ripot Nesenel Ikonmik na Fiskol Komisen (NEFC) i givim long Nesenel Dipatmen bilong Edukesen (DOE). Ol i lukluk long wanem we ol bai kamapim gut na mekim edukesen i moa gutpela na amas mani em wan wan pikinini i ken kisim long wanwan klasrum na we bilong yusim fri edukesen mani tu.

Em i tok NEB i abrusim wok bilong ol na glasim wok bilong edukesenel polisi we ol i go aut na holim wanpela kibung na kisim tingting bilong ol publik olsem ol tisa, papamama, sumatin, bod memba na ples lain long wanem samting ol i ting Nesenel Dipatmen ov Edukesen i ken mekim long givim ol sumatin.

Nesenel Edukesen Bod miting em ol i bin holim long, Alotau long Milen Be provins.

Digicel i sapotim praimer skul long Sohe

Eiwo Praimeri skul insait long Sohe Distrik long Oro provins i amamas long kisim narapela moa klasrum we Digicel PNG Faundeseni mekim aninit long “Skul rewod program”.

Faundeseni rewod program em i nupela program we em laik givim samting i go bek long ol skul husat i kisim helipm bipo long Faundeseni na i lukautim gut.

Eiwo Praimeri skul i45 kilomital ong Popondetta taun. Dispela skul i bin kisim wanpela dapol klasrum long 2011.

Nau em kisim narapela klasrum i kosim K140,000. Dispela klasrum i kam wantaim wanpela 5000 lita water tank, tupela ventilested

Improved Pit (VIP) toilet, sawa, na sola sistem wantaim 20 desk.

Digicel PNG Faundeseni CEO, Beatrice Mahuru i tok, “Edukesen em i wanpela bikpela samting we yu bai givim long ol pikinini. Rewod program bilong mipela i luksave long ol skul na komyuniti husat i gat dispela wankain tingting na i ken mekim olgeta samting orait long kamapim developmen long skul bilong ol na mekim ol sumatin i ama-

mas long skul.

Em i tok Faundeseni bilip long givim strong long ol komyuniti long ol i ken kisim gutpela sindaun na kamapim ol sampela samting long senisim laip. Mipela nau i givim bek long EiwoPraimeri skul, i soim gutpela wok poroman wantaim ol komyuniti long hia. Mipela i amamas long wok wantaim Eiwo praimer skul na tok tenkyu long ol tisa, Bod ov Menesmen, ol sumatin na Eiwo komyu-

niti long sapot bilong ol long lukautim skul.”

Hetmasta bilong Eiwo praimer skul Mista Frank Keopa i tok, “Mipela i tok tenkyu long sapot Digicel i givim long edukesen insait long PNG na mipela amamas long Digicel putim ol samting we i gat nid long en we em bai helpim kirapim kantri we bihain ol pikinini bai lukim na stap gut na go het yet long kirapim kantri long ol developmen.”



Ol sumatin i amamas na go insait long nupela klasrum bilong ol.

Brian Bell mekim kliarens sel

Isaac Liri i raitim

Brian Bell insait long Pot Mosbi i wok long mekim kliarens sel bilong ol long Sir John Guise Stadium we i stat long namba 10 de bilong dispela mun, na bai i pinis long namba 22 de.

Long tunde taim dispela kliarens sel i stat, Brian Bell i lukim planti kastoma long moning taim i go inap apinun.

Belinda Wagate, wanpela kastoma long dispela kliarens sel, i tok em bin wok long wetim dispela kliarens sel long kamap

long wanem em i save olsem prais bilong ol samting bai i go daun.

“Mi amamas tru long dispela kliarens sel bilong Brian Bell long wanem mi ken baim planti samting bilong femili bilong mi long dispela taim bilong kris-mas”. Belinda i tok.

Komunikesen Rilesen Menesa bilong Brian Bell, Bill Neill, i tok dispela kliarens sel i no wanpela nupela samting long ol kastoma bilong Brian Bell.

“Ol kastoma husat i save baim planti samting long Brian Bell

long olgeta taim i save olsem olgeta taim, yia i laik pinis, Brian Bell i save mekim dispela kliarens sel, na tu, mipela long Brian Bell i save givim diskaun long ol, long wanem, em ol kastoma bilong Brian Bell”. Mista Neill i tok.

Brian Bell i save mekim dispela kliarens sel long salim kwik planti ol samting we i stap insait long bakstua longpela taim. Dispela i save mekim isi long Brian Bell long kisim ol nupela samting i kam long ovasis.

Bethlehem Lutheran Sios pasim 2013 program

Frieda Sila Kana i raitim

BETHLEHEM Lutheran Kongrigesen insait long Humade Kompaun long Madang, i bin holim wanpela spesel lotu long Sande 8 Disemba long makim pinis bilong ol sios program bilong ol long ya 2013.

Long makim dispela, Pasto Reveren Ruben Martin, Seket Presiden bilong Madang Seket i bin wokim sampela sakramen bilong sios.

Reveren Ruben Martin em i pasto bilong Tarangau Lutheran Sios long Madang na tu, em i Madang Taun Seket Presiden i save lukautim 8-pela kongrigesen long Madang Taun.

Nambawan em long laip marit bilong Zurenu bilong Tapan na Uiara bilong Rai Kos bilong Madang. Tupela marit husat i bin marit sampela taim nau na i gat tripela pikinini i wanbel long mekim laip marit na long dispela de tupela i bin holim han long ai bilong Reveren Ruben wantaim ol elda bilong sios na ol kongrigesen. Bihain long dispela 5-pela pikinini i kisim baptais, tripela em ol pikinini bilong Zurenu na Uiara husat i kisim laip marit nau tasol.

Ol i bin makim tu 7-pela nupela lida bilong kongrigesen, David makim Nu Blok, Filip i makim Yawak, Peter i makim Yawat, Wari na Michael i makim Humade, Kessae i makim L.B.C kompaun, na Sala i makim Wara Kalap eria. Bihain long makim ol nupela lidaman, Reveren Martin i prea long ol Sande Skul sumatin na larim ol i go long pinisim ol skul program bilong dispela yia. Tupela moa wok i stap em long kisim holi komyunio na long senisim olpela siaman na putim nupela siaman.

Olpela siaman bilong Bethlehem kongrigesen, Mista Maok i tok welkam long nupela siaman, Mista Kupo.

Em i tok, em i givim dispela wok i go long nupela siaman wantaim olgeta bel bilong em. Bilong wanem em yet i bin stap 15 yia long dispela sios olsem siaman long nambawan taim em i go insait long dispela nupela sios. Em i tok strong long ol memba long stap insait long sios long helpim na mekim wok.

Ol liti rit bilong Sande em Aisaia 11:1-10; Matyu 3:1-12, Rom 15:4-13, Buk Song 72:1-7, 18-19

Rev. Martin i tok olsem dispela em i namba tu Sande bilong Adven. Tok Adven em i minim olsem, "bai i kam,".

"Bikpela tok bilong kirapim yumi long wokabaut bilong Kristen man long sios. Wanpela yia i gat stat na pinis bilong em na i go olsem. Yumi



Reveren Martin i prea long ol nupela lida bilong sios bilong Bethlehem kongrigesen.

wok long wanwan de, mun na yia tasol olgeta i statim wantaim wanpela seken. Yumi mas luksave tu olsem, wanpela seken long han bilong klok em i taim bilong God bilong wanem taim i save stat wantaim seken na bihain i go long minit na bihain i go long haua, de, wik, mun na yia. Yu no inap abrusim wanpela bikos em i stat bilong taim". Pasto Martin i tok.

Buk Gutpela Sindaun i tok, em i gat taim bilong olgeta samting i save kamap. i gat stat na i gat pinis. Sios bilong God i mas wokabaut, em i noken stap tasol long wanpela hap. Yumi tenkyu long God i mas gat wok bilong kirap na wokabaut. Sos em bilong God, em i no samting bilong wanpela man o wanpela kongrigesen.

Adven em taim bilong redi long bungim krismas na bihain long krismas, Epipani. Jisas i wokabaut long ista yumi tingim dai bilong Jisas.

Saikel bilong God i stat wantaim Disemba na kalenda bilong graun i stat wantaim Januери. Laip em ino bilong yumi yet. Em i samting bilong God. Yumi save harim toktok bilong yumi mas kamap nupela gen olsem Kraisis i bin tokim Nikodemias.

Yumi save askim, baptais em i bilong kapsaitim liklik wara long het o long go insait long wara? Jisas i baptais wantaim paia na Holi Spirit. Sios i kamap long han bilong God. Em ino samting bilong yumi.

Yumi wokim nating. 1 Korin 12 i tok yumi hap bilong bodi i gat planti hap tasol wanpela het tasol. insait long haus lotu taim yumi kam bung em yumi lusim tingting long wanem kain wok yumi save holim long ausait na yumi kamap brata na susa tasol." Em i tok.

Liklik Joe Zurenu i kisim bebi baptais.



Zurenu long han kais bilong Pasto na Uiara i putim meri blaus i kisim blesing bilong laip marit.



WANPELA yangpela SVD misinari i bin go long kantri Botswana long Afrika

Taim balus i pundaun long Botswana, em i lukim ples ya i drai tru. Em i kamap long pinis bilong mun Ogas, we i taim bilong ren i pinis.

Tasol ren i no kamap yet. I luk olsem Botswana em i wanpela kantri graun bilong em i no gutpela tru. Long pinis bilong mun Sep-temba, gutpela ren i pundaun.

Long wanpela o tupela de bihain, weis len bilong Botswana i kamap grin. I gat planti gras na flawa i kamap. Drai graun i senis na kamap olsem wanpela bikpela grinpela blanket i stap.

Sampela wik bihain, olgeta gras na diwai i kamapim naispela flawa bilong ol. Bikpela ples bilong Botswana i pulap long kalakala bilong flawa i olsem wanpela bed i kamap antap long grinpela kapet.

Olgeta ples i senis. Em i naispela tru.

Em i naispela tu sapos yumi lukim senis i kamap long laip bilong manmeri. Sampela manmeri i stap olsem drai graun bilong Botswana. Tasol i gat taim bilong senis i kamap na mekim ol i kamap narakain na naispela tru.

Taim mi stap long Sen Peter Chanel Peris long Erima, planti manmeri i kam lukim mi long spirituel gaidens o stia.

Planti bilong ol i stap long tudak. Ol i wokim kain kain pasin nogut olsem raskol, drag, spak na kamapim trabel, pamuk na ol narapela moa.

Ol i bin stap long tudak. Na ol i amamas tru taim ol i wokim dispela kain pasin. Tasol wanpela taim, ol i bin kisim wanpela iletrik sok long stopim ol na tingting, na luksave olsem pasin bilong ol i no stap stret. Na ol i painim spirituel gaidens long helpim ol.

Wanpela bilong ol em i wanpela man nogut tru. Em i bin kamap strongpela man bilong wokim raskol pasin, brukim benk na stilim mani, kilim planti man long kisim kar na mani bilong ol na planti moa.

Taim em i stori wantaim mi, mi tu pret tru bikos nogut em i wokim pasin nogut long mi tu. Tasol, olsem wokman bilong God, mi bin kisim strong bilong God, na harim serim bilong dispela man.

Em i kam lukim mi bikos em i laik senis.

Taim em i tokim mi em i laik senis, mi salensim em; "Trupela senis o giman senis? Senis bilong laip o senis long sampela mun tasol"? em i tok; "Tru Pater, mi laik senis. Mi les pinis long dispela pasin mi bin wokim. Mi tingim raskol pasin i bringim amamas na gutpela taim long laip bilong mi. Tasol i nogat tru.

Stap olsem raskol man, mi no fri long wokabaut. I gat pret i save stap wantaim mi. Pret long polisman, pret long ol manmeri nogut sampela i luksave long mi. Mi no sindaun gut wantaim famili bilong mi. Moabeta mi lusim dispela pasin na wokim gutpela wok long helpim komyuniti".

"Wanem kain gutpela wok, yu bai wokim long helpim komyuniti?" mi askim em gen.

"Mi bai stat wantaim salim smok long rot. Em i wanpela gutpela wok long helpim manmeri i save smok. Bihain bai mi sevim liklik profit, na mi bai divelopim liklik bisnis bilong mi yet. Mi laik senis tru Pater".

Bihain mi wokim prea long askim God long blesim gutpela plen bilong wok bilong em, na em i go. Long yia 2010, bipo mi lusim Erima na kam long Hanuabada peris, em i bin kam lukim mi gen. Em i gat bikpela senis tru. Pastaim em i kam lukim mi gat pret pasin i stap. Nau em i no pret moa.

Em i kam tok tenkyu long mi na toksave long mi. Prea na sapot bilong mi i bringim gutpela kaikai. Nau em i no salim smok long rot. Em i gat wanpela liklik stua long 9-mail. Em i salim kain kain samting long helpim nid bilong planti manmeri. Naispela a?

TOK PISIN NEWS
from Radio Australia
radioaustralia.net.au

Marin TOK Pisin long
Radio Australia
101.9FM
Port Moresby

Tok Pisin Service
6am - 7am 0600; 72-100012
7pm - 9pm 5995; 6025; 9710; 12100x-02

Oi poto nius



Oi yangpela kwin i bilas long hotpela san long Honiara taim ol i wokim ol pereit. Ol i visitim tu ol sik pikinini long haus sik long Honiara na i go lukluk long beis bilong RAMSI long Guadalcanal Beach Resort.

Nupela PNG grup i egensim maining aninit long solwara

I gat wanpela nupela grup ol i kirapim long Papua New Guinea bilong egensim ol wok bilong laik statim maining aninit long solwara bilong kantri.

Wenceslaus Magun, hetman bilong wanpela NGO ol i kolim Mas Kagin Tapani i tok PNG i gat nupela grup ol i kolim PNG Group Against Seabed Experimentation Mining ol i kirapim long Desemba 01, 2013.

Siaman bilong grup em wanpela biknem loya, Moses Murrury, na Deputi bilong en em Wenceslaus Magun, hetman bilong Mas Kagin Tapani.

Mista Magun i tok, Papua New Guinea Gavman i no gat lo bilong deep seabed maining.

Em i tok, long dispela taim PNG Gavman i givim nating laisens i go long kampani olsem Nautilus Mineral Limited pastaim long em i gat ol lo bilong lukautim solowara na ol samting i stap long en.

PNG Sif Mejistret i amamas long helpim bilong Australia

SIF mejistret bilong Papua New Guinea, Nerrie Eliakim i tok em i amamas long Australia i redi long helpim PNG long daunim korapsen.

Long dispela taim, polis bilong Australia i go helpim ol PNG polis long daunim ol kriminal pasin.

Sif mejistret, Nerrie Eliakim na Tim Bryson em fes Seketeri bilong Hai Komisn i toktok long dispela samting.

Mis Eliakim i tok emi amamas long Australia i redi long helpim kantri i daunim korapsen na traim stopim ol PNG pipel husat i save stilim pablik mani na baim propeti o haus, na ol narapela samting long Australia.

Mis Eliakim i bin mekim displa toktok long wik i go pinis bihain long Australian Federal Polis i bin sainim wanpela tok orait wantem Task Fos Sweep bilong PNG long statim despela wok bung.

Mis Eliakim i bin wanpela long ol lida bilong lo enfosmen egensi long PNG i stap long dispela bung we Polis Komisina, Tom Kulinga, i bin stap long en tu

Asistens Komisina bilong Australia Federal Polis, Ramsy Jabbour na Chairman bilong Task Force Sweep, Sam

Koim i bin sainim dispela tok orait long haus bilong Hai Komisn bilong Australia long Pot Mosbi.

Mis Eliakim i tok long planti yia nau, planti lida bilong kantri na ol narapela pipel i save paulim mani bilong gavman na go stap long Australia.

Cook Ailan i winim Mis Saut Pasifik Kwin resis

Wanpela yangpela meri bilong Cook Ailan i winim Miss South Pacific Pageant we Solomon Ailans i bin lukautim long Honiara long las wiken.

Yangpela meri we i winim Miss South Pacific Pageant nau em Teuira Napa husat i winim ol arapela yangpela meri bilong ol kantri long rijon na i kisim dispela taitel.

Ol ogenaisa i tok dispela i narapela gut-pelal rijinon so we Solomon Ailans i bin lukautim bihain long namba 11th Festival ov Pasifik Ats long last yia, 2012.

Insait long wanpela wik, ol yangpela kwin i bilas long hotpela san long Honiara taim ol i wokim ol pereit. Ol i visitim tu ol sik pikinini long haus sik long Honiara na i go lukluk long beis bilong RAMSI long Guadalcanal Beach Resort.

10 pela kantri i bin stap insait long dispela Miss South Pacific Pageant, we Mis Napa i winim.

Obama, Cameron, Castro i go long funereil bilong Mandela

OL lida bilong ol kantri long wol na planti 10 tausen pipel i go long Johannesburg long memoriel lotu sevis bilong olpela presiden bilong South Africa i dai long las wik, Presiden Nelson Mandela.

Ol yangpela South Africa lain i flaim 95 pela balun bilong makim 95 yaia long laip bilong Nelson Mandela.

Strongpela sekyuriti i stap na ol i pasim rot long sampela ples pastaim long wanem, ol i ting bai bikpela moa long bung bilong ol lida long wol we i kamap long South Africa.

Yunaitet Stes president Barack Obama, president bipo Bill Clinton, George W Bush na Jimmy Carter i stap namel long ol bikman wol lida husat i stap long funereil sevis.

Prins Charles, British Prait minista David Cameron na presiden bilong France, Francois Hollande i stap, na tu presiden bilong Zimbabwe, Robert Mugabe, na lida bilong Cuba, Raul Castro.



Rev. Ruben Martin i pre long olpela siaman bilong Bethlehem Lutheran Sios, Mista Maoko (waitpela siot) na nupela siaman, Mista Kupo (blupela siot)



Mis Deborah Kana i skul long Gred 6E long Bavaroko Praitmeri skul long NCD. Em i kisim pes ples long 6-pela sabjek na seken ples long wanpela sabjek. Em i kisim 7-pela awod wankain tu long planti narapela sumatin bilong Bavaroko Praitmeri em i bin kamap long Salvation Army haus bung long Boroko. Planti mama papa na famili i kamap long witnesim spis de bilong skul wantaim greduesen bilong ol gret 8.



Oi mama na pikinini i sindaun na harim toktok bilong las lotu bilon yia long Betlehem Lutheran Sios long Madang.

PacificBEAT Listen to Radio Australia 101.9FM Port Moresby
4. 5. 6am & 4pm. 5pm including sport

Nelson Mandela em i man bilong bringim belisi...



Long las wik Fonde, olgeta lain i kirap wantaim toksave olsem Nelson Mandela, man husat i bin daunim pasin bilong Apetaid long Saut Afrika em i lusim laip pinis.

Dispela man em i dai long sik na em i gat 95 krismas. Nelson Mandela em i wanpela win man na bikman long strong bilong em yet. Sampela man long wol bipo na nau tu, i save kisim biknem long pasin bilong pait, pasin bilong daunim laik bilong ol narapela na mekim samting long laik bilong ol yet, na long mani ol i gat.

I gat ol man olsem Adolf Hitler, Idi Amin, Saddam Hussein husat i kisim nem nogut long kontrolim ol man. Ol i kisim nem long yusim pawa bilong pait long mekim ol lain bilong ol i bihainim laik bilong ol.

Tasol i gat tu ol lain olsem Mother Teresa i kisim bikpela luksave long mekim gutpela pasin long ol tarangu manmeri bilong india, maski em i bilong gutpela kantri long Yurop, em i lusim ples na i go daun long stap wantaim ol lain i save slip nating long strit na kaikai pipia bilong ol narapela. Na ol lida man husat i go pas long bringim fridom long ol pipel olsem Indhira Ghandi bilong India na Nelson Mandela bilong Saut Afrika.

Nelson Mandela em i man bilong lusim rong na man bi-



Mandela holim lait bilong Wol...

Jada 0131

long laikim olgeta man, waitpela na blak wantaim long bringim demokrasi long Saut Afrika. Em i bin yangpela man tru na em i lukim pasin i stap long kantri bilong em long waitman i

kisim bikpela posisen long kantri na blakman i stap olsem wokboi nating. Ol waitman i gat lo bilong noken larim ol blakman i kisim gutpela skul na kisim gutpela wok na gutpela sin-

daun. Em i bin statim wok bilong pait long fridom wantaim sumatin straik taim em i stap long Yunivesiti. Em i go kisim wok olsem polisman tasol bel bilong em i sigirap long lukim olgeta

wantaim olgeta pipel blak na wait i sanap long jeneral ileksen olsem wanpela demokretik kantri. Em i kamap olsem Presiden bilong Saut Afrika long Me 10, 1994 na nambawan

manmeri long Saut Afrika i mas gat wankain namba long ol sevis bilong gavman na komyuniti.

Insait long pait bilong em, gavman i holim em na tro-moi em i go insait long wanpela strongpela kalabus tru long Robin Ailan ausait long Cape Taun. Ol i givim em laip yia. Em i no save lukim lait bilong san na i save mekim strongpela wok i winim 30-pela yia. Em i kisim planti mak long skin bilong em we ol soldia i save paitim em. Tasol spirit bilong em i no laik long dai, bilong wanem em i laikim gutpela samting i mas kamap long ples bilong em. insait long haus kalabus, em i painim rot yet long autim tingting bilong em na strongim ol lain husat i pait i stap long ausait.

Long Februari 11, 1990, em i pinis long kalabus na em i kamap presiden bilong ANC long Julai 5, 1991.

Oktoba 15, 1993 em i winim Nobel Pis Prais. Long April 27, 1994, wantaim olgeta pipel blak na wait i sanap long jeneral ileksen olsem wanpela demokretik kantri. Em i kamap olsem Presiden bilong Saut Afrika long Me 10, 1994 na nambawan

blak man long kamap presiden bilong kantri bilong em.

Hevi em i bin kisim long haus kalabus i bin planim sit bilong sik long bodi bilong em, Bihain long dispela em sik i kisim em na em i no moa strong tumas inap long Disemba 6, taim dai i kisim em.

Bikpela skul em i lusim long olgeta lain bilong Saut Afrika na long wol em pasin bilong lusim rong bilong ol lain i bagarapim em. Taim em i bin kamap olsem Presiden bilong Saut Afrika, em i no yusim dispela pawa long bagarapim ol birua bilong em. Nogat. Em i laikim tasol long pasin bilong daunim narapela i mas pinis na demokrasi i mas kamap na manmeri i mas i gat wankain mak long komyuniti.

Ol lida bilong wol i bung long soim rispek bilong ol na olgeta i kam wantaim wanpela tok tasol, Nelson Mandela i soim yumi trupela pasin bilong demokresi, bel isi na pogivim ol birua. Nau long taim em i dai, ol waitpela man na blakpela man i sanap wantaim wankain yunifom, nem na namba na givim luksave long dispela man husat i pinisim apetaid long Afrika na bringim demokrasi long ol pipel bilong em.

Yumi olsem Kristen Kantri ating em i soim pasin tru bilong Krais. Em i mekim wok we Bikpela i bin kam long mekim. "Bringim bel isi na pasin bilong laikim narapela" long graun.

Gutbai Nelson Mandela, yu go wantaim bel isi bilong God, tasol pasin bilong yu bai i stap yet long graun olsem pasin bilong Krais.

Lukaut long ol dinau mani kampani: Bakani Yumi mas sevim mani

Stanley Nondol i raitim

PIPEL bilong Papua Niugini i mas save long sevim mani na ol i no ken go kisim planti lon o dinau long ol mani kampani.

Gavana bilong Benk bilong Papua Niugini, Loi Bakani long pasim bilong Fainensel Expo bilong 2013 long Pot Mosbi i tok ol dinau lampani i kisim bikpela mani long ol wok mani meri taim ol i bekim dinau long lon bilong ol.

Mista Bakani i tok ol pipel i mas save long rot bilong sevim mani long yusim long bihain taim o taim nogut. Dispela i mas kamap olsem pasin bilong ol na ol

i no ken go long mani kampani na kisim dinau.

Taim ol wok manimeri i go kisim dinau, mani kampani i sasim ol wantaim bikpela winmani. Ol dinau lain i bekim mani wantaim bikpela winmani long olgeta pe long sampela mun o klostu long yia.

Mista Bakani i tok dispela pasin i no gutpela na i ken mekim ol manmeri i slek long wok na taim i bekim pinis i bai ol i laik long kisim yet.

Mista Bakain i tok em moa gutpela long ol pipel i ken sevim sampela mani long olgeta pe na dispela i ken helpim ol long stretim ol hevi long taim nogut.

Mista Bakani i singaut long ol fainensel instutusen long kamap wantaim sampela rot long helpim ol pipel long sevim mani.

Mista Bakani i tok sevim mani em i bikpela samting na ol skul na wok manmeri long ol rurel ples tu i mas kisim ol save bilong sevim mani.

PNG i gat planti dinau o mani kampani na planti wok manmeri i save go long ol na kisim lon.

Pe bilong ol save kam daun na ol i no gat inap mani long kaikai na stap wantaim ol famili bikos ol i gat dinau long planti mani kampani.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga
Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



NELSON MANDELA

Presiden na man bilong belisi



Man i bringim belisi na wankain luksave long Saut Afrika na Wol..

PIPEL bilong Saut Afrika, blak o wait skin kala i sanap wantaim na krai long dai bilong bik nem presiden bilong ol, Nelson Mandela, husat i mak bilong Fridom, pogivim na kamapim hop long kantri bilong em na wol.

Olpela presiden na anti-apateid o rausim pasim bilong rabisim ol blek pipel hiro i dai long las wik, krismas i 95 i bin gat sik long lang na dai.

Olgeta kain kain sios, i kam pulap tru long milien manmeri long givim tok tenkyu long man husat ol i kolim em, "Father of the Rainbow Nation" (Papa Bilong Kantri i gat kankain skin kala pipel).

Ol politikal lida bilong olgeta kantri long wol tu i mekim we bilong ol i go long kantri, Saut Afrika, long sindaun long dispela bikpela pablik memorial sevis long selebretim laip bilong Mandela.

Lukluk long em ol bikpela de long laip bilong Nelson Mandela long taim mama karim em i kam long dai bilong em.

Julai 18, 1918

Mama karim em olsem Rolihlahla Mandela, long Thembu royel famili long ples Mvezo long Saut Afrika.

1940

Ol i rausim long Fort Hare Yunivesiti Kolis bikos em i stap insait long ol sumatin straik.

1941

Em i go stap long Johannesburg na kamap olsem polisman bilong main kampani.

1943

Joinim Afrikan Nesenel Kongres (ANC).

1944

Maritim Evelyn Mase, trening nes.

1952

Opim namba wan blak lo kampani long Johannesburg wantaim Oliver Tambo.

Desemba 5, 1956

Ol i hilim pasim em wantaim 156 politikal ektivis na sasim ol long trisen o bikpela asua wantaim kantri.

1958

Maritim sosol wokmeri Nomzamo Zaniwe "Winifred" Madikizela, bihain long em i divosim Mase long 1954.

Mas 21, 1960

Sekyuriti fos i kilim 67 protesta long Sharpsville. Gavman i pasim ANC na Pan Afrikan Kongres grup na deklirim stet ov Imenjensi.

Stetu bilong Nelson Mandela long Saut Afrika i soim man bilong Fridom, Belisi (Peace), pogivim na hop long wol.. Abraham Lincoln bilong Saut Afrika.



Nelson Mandela na olpela apateid Presiden, Federik de Klerk, i soim Nobel Peace prais long Oslo, Norwe, long Desemba 1993.

1961

Ol i rausim trisen sas wantaim narapela poro bilong em.

Desemba 16, 1961

Ol i lonsim ANC ams wing, Umkhonto we Sizwe (Spera of the Nation), wantaim Mandela olsem komanda in-sif.

August 5, 1962

Ol i kisim em na salim em i go kalabus long Novemba 7 long 5-pela yia kalabus. Insait long kalabus, em i kamapim wanpela straik na hait lusim kantri i go long Ethiopia na Algeria long kisim militeri trening bilong em.

1963

Ol i kalabusim em, na sasim em long sabotis wantaim ol ANC ektivis grup long Rivonia klostu long Johannesburg.

Jun 12, 1964

Bihain long bikpela bung we em i kamapim toktok bilong em ("demokrasi em bilong mi, na mi bai dai long en") ol i kalabusim em long laip yia long Robben Ailan autsait Cape Taun.

Julai 5, 1989

Em i bungim presiden P W Botha na long Desemba 13 em i bungim FW de Klerk,

husat i kisim ples bilong Botha olsem presiden.

Februari 11, 1990

Em i pinis long kalabus.

Julai 5, 1991

Ol i ilektim em presiden bilong ANC.

April, 1992

Em i lusim meri bilong em Winnie.

Oktober 15, 1993

Em i winim Nobel Peace Prize wantaim De Klerk.

April 27, 1994

Vot i kamap long namba wan taim long olgeta pipel, blak o wait i sanap long jeneral ileksen.

Me 10, 1994

Em i kamap olsem Presiden bilong Saut Afrika.

Julai 18, 1998

Em i maritim Graca Machel, wido bilong presiden Samora Machel bilong Mozambik.

1999

Em i lusim sea olsem presiden.

Jun 1, 2004

Em toksave long ritaiamen bilong em long pablik laip.

Januari 6, 2005

Em i tokaut long pikinini bilong em, Makgatho i dai long sik AIDS.

April 19, 2009

Em i rekodim fainal toktok na salim i go long ANC bung.

Julai 11, 2010

Em i sindaun long Wol Kap Futbol long Saut Afrika.

Januari 28, 2011

Ol i rausim em bihain long 18-pela long haus sik long em i no kisim gutpela win.

Februari 25, 2012

Em i stap long haus sik gen long pen long bel bilong em.

Desemba 8, 2012

Slip long haus sik gen long sua long lang bilong em na ol liklik ston long bel bilong em.

Januari 6, 2013

Dokta i tok em i orait na salim e mi go long haus, tasol wok long kisim marasin yet long haus bilong em long Johannesburg.

Mas 9, 2013

Em i stap ova nait long haus sik gen long Pretoria na redi long medikal sekap. Ol i dissasim long neks de.

Mas 27, 2013

Sekap gen long sik long lang, ol i rilisim em long tupela de bihain.

Jun 8, 2013

Em i go bek long haus sik long nupela lang infeksen gen, tasol em i orait liklik.

Julai 18, 2013

Em i selebretim 95 krismas bilong em long haus sik, Gavman i tok Mandela em i orait liklik.

Desemba 6, 2013

Mandela i pasim dai long haus bilong em long Johannesburg wantaim olgeta famili bilong em. Krismas bilong em i 95.

Pasin Madang stret kamap long MOA saining!

James G. Kila i raitim

SIMEL purpur bilong tumbuna singsing wantaim pairap bilong kundu wantaim naispela sore nek bilong ol mama singsing na pairap bilong mambu ben bilong Madang i bringim naispela kala na bilas bilong Madang stret las wik Tunde long Jais Aben Risot Hotel.

Olgeta dispela selebresen i kamap long amamasim saining bilong Rivais Memorandum ov Agrimen (MOA) bilong Ramu Nikel Projek long Madang provins.

Dispela ol kala na bilas i soim stret pasin o kalsa bilong Madang stret. Sampela save tok "Kagin bilong Madang Panu stret!"

Foapela lenona asosesin (LOA) insait long Ramu Nikel Prokek eria em Kurumbukari LOA, Inlen Paiplain (Maigari) LOA, Kostal Paiplain LOA na Basamuk LOA i soim pasin stret taim ol i redim gaden kaikai na givim pik i go long ol lain i makim Nesenel Gavman, developa Ramu NiCo Menesmen (MCC) na tu Mineral Risoses Atoriti na arapela lain tu. Ol i bin givim foapela pig i go long ol lain delegesen i go long dispela saining seremoni.

Dairekta bilong Mains wantaim Madang provinsal Gavman, John Bivi i tokout olsem em i pasin bilong Madang long givim 'Pik wantaim gras' i go long ol lain husat i mekim gutpela na bikpela samting long Madang. Dispela em pasin Madang stret.

Madang provinsal gavman aninit long Mains Ofis bilong en i givim ol naispela kala bilum i go long olgeta lain memba. Dispela ol naispela Madang bilum e mol mama bilong Karkar Ailan i wokim na i gat naispela kala we i narakain long ol arapela bilum bilong narapela provins long PNG.

Dispela seremoni i lukim Minista bi-

long Maining, Byron Chan i kisim presen olsem bilum na tu bikpela kaikai na wanpela pig wantaim gras stret i kam long ol lain papagraun bilong KBK. Minista i amamas na putim lek antap long dispela laip pik long soim pasin olsem em i amamas long presen em i kisim.

Minista bilong Maining, Byron i tokim ol lain papagraun olsem dispela rivais MOA bai helpim ol LOA na lenona kampani (LANCO) long nemesim gut ol helpim gavman na arapela stekholda bai givim long Projek insait long 5-pela yia i kam.

Sainim bilong rivi bilong MOA saining i kamap fran long moa long 2,000 manmeri.

Namba wan MOA ol stekholda blong Projek i bin sainim long yia 2000, na narapela rivi bilong en i sapos long kamap long 2005, tasol bihain long senis blong developa na tu planti wok bilong bungim tingting i surikim taim i kam inap long 2013 we i lukim hatwok i karim kaikai.

Nesenel Minista bilong Maining, Byron Chan i bin stap long Madang long Tunde long sainim agrimen makim gavman, na i tok dispela em bikpela de tru bilong Ramu Nikel Projek na ol lain papagraun husat bai lukim ol developmen i kamap long ples na eria bilong ol.

Mista Chan i tok dispela rivi bilong MOA i karamapim ol wok long nau yet, na bihain taim long sait long sosel na ekonomik developmen Ramu Projek bai kamapim we i bihainim askim na tingting bilong olgeta lain stekholda na tu ol lain komyuniti insait long Projek eria.

Minista i tok amamas long Ramu NiCo (MCC) long stap strong yet long Madang, maski olsem prais bilong metal long wol i daun tru na planti ol wok-maining long Australia na arapela hap long wok i pasim wok na salim ol wokman i go aut.



1. Minista bilong Maining, Byron Chan i kisim bilum na gaden kaikai.
2. Liklik meri Mellisa Jeffrey bilong Kostal Paiplain i go pas karim Rivais MOA.
3. Ekting menesing daireka bilong MRA, Philip Samar wantaim Siaman bilong Ramu NiCo (MCC) Zhao Shimin wantaim bilum presen.
4. Ol mama bilong Tapopo viles long Inlen Paiplain (Maigari) i singsing 'Mogok' long bringim ol gest i go insait. *Poto: James G. Kila*



Ol Ritel Outlet lain!

Salim moa pepa na win olgeta wik!!

Ol Kap

Ol bilak Kola siot

Ol marun Kola siot

Ol blu Kola siot

Ol Ambrela

Sapos yu salim,

Sapos yu salim olgeta Wantok Niuspepa insait long stua o outlet bilong yu, bai yu gat sans long winim ol dispela promosen klos bilong Wantok Niuspepa!

Dispela promosen bai stap long Oktoba i go long Desemba 2013 tasol.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

Raun wantaim Wantok kru ...

Mobail fon redio i mekim isi long harim ileksen nius

James G. Kila i raitim

LONG Mande apinun mi bin wokabaut i go aut long get bilong opis bilong mipela long painim simuk na mi lukim faiv-pela man i sindaun aninit long kokonas na bisi tru wantaim mobail fon bilong ol.

Ol bagaros ya i no toktok. Yau bilong ol i bisi tru long harim wanem ol toktok i kamaut long mobail fon redio.

Taim mi glasim ol i go, mi lukim tu wanpela long ol i wok long raitim sampela samting i go daun long pepa na holim fon i go klostu tru ken long yau.

Taim mi go klostu mi luksave olsem ol lain ya i wok long harim ol risal long kaunim bilong Madang Open bai-ileksen. Maski olsem kaunim i wok long kamap long Jomba YC, ol bagaros ya i sindaun malolo na kisim win aninit long kokonas arere na harim

Wankain pasin nau em planti lain i wok long mekim long Not Ambenob, Saut Ambenob, Madang Eben na Trens-Gogol, em foapela lokal level gavman (LLG) kaunsil zon bilong Madang Open.

Mi save stap antap long Trens-Gogol na ron long PMV i go kam na stat long las wik Fraide na



Faiv-pela bagaros bilong Raibus Sekuriti em Reuben Apelis, Stanley Kuse, Issac Pele, Trevor Kasane and Robert Palma i bisi long harim Madang Open bai-ileksen kaunting long mobail fon blong ol. Foto: James G. Kila

Sarere, mi lukim planti lain i tanim redio long mobail fon bilong ol i go stret long Redio Madang long 90.4 FM ben long harim nius bilong kaunting bilong ileksen.

Maski nau long Madang i gat planti kain kain paul toktok na mauswara i kamap long sait long kaunim bilong Madang Open bai-ileksen, ol lain husat i putim yau long 90.4 FM bilong Redio

Madang i kisim stretpela stori.

Tru tumas, kam bilong mobail fon teknoloji i bringim planti kain sevis i go long ol liklik manmeri long ples na hauslain. Em i mekim isi nau long ol pipel long harim nius i kamap long provins, kantri na wol. Moa long en tu, ol pipel i ken ring i teks tasol i go long ol redio stesin sapos ol i save long namba na autim bel-hevi bilong ol.

Madang Open bai ileksen i gat 18-pela kenidet i sanap, na mi lukim sampela lain i raitim nem bilong olgeta kenidet daun long wanpela hap pepa na raitim skoa bilong ol taim progresiv tali i wok long kamap long redio ol i harim long mobail fon bilong ol.

Tru tumas mobail fon teknoloji mekim isi tru nau long planti liklik manmeri long ples na haus lain long PNG.

EMTV Television Guide

FONDE DESEMBA 12, 2013

4:30 AM G AUSTRALIAN NETWORK
5:00 AM G JOYCE MEYER - 1056-4
5:30 AM G EMTV NEWS REPLAY
6:30 AM G TODAY
09:00 AM Classroom Broadcast
9:00am Grade 7 Mathematics
9:50am Grade 7 Science
10:40am Grade 8 Mathematics
11:20am Grade 8 Science
1:00pm Grade 6 Mathematics
1:50pm Grade 6 Science
2:30pm DEPI Program
3:30 PM G KIDS KONA
3.30 PM HI 5 - S8 EP#08/44
4:00 PM DORA THE EXPLORER EP#6/26
4:30 PM PYRAMID S1 EP#6/62
5:00 PM G THE SHAK Series 2 Ep#23/75

5:30 PM G TRAPPED YR.2 CASTAWAY
6:00 PM G EMTV NATIONAL NEWS
7:00 PM G RAIT MUSIK EP#192
8:00 PM G RESOURCE PNG EP#100
8:50 PM G SOKA XTRA EP#102
9:00 PM G HOT SPOT EP#45
9:30 PM PG ELITE MUSIC ZONE EP#45
10:00 PM G NEWS REPLAY
.....followed by the Australia Network

FRAIDE DESEMBA 13, 2013

4:00 AM G AUSTRALIA NETWORK
5:00 AM G JOYCE MEYER - 1055-5
5:30 AM G EMTV NEWS REPLAY
6:30 AM G TODAY
12:00 PM G DAY 1
CRICKET - THE ASHES TEST 2

3:00 PM G CRICKET SHOW
3:30 PM G DAY 1 CONTINUES....CRICKET - THE ASHES TEST 2

5:55 PM G CRIME STOPPERS
6:00 PM G EMTV NATIONAL NEWS
7:00 PM DAY 1 CONTINUES
....CRICKET - THE ASHES TEST 2
8:30 PM G IN MORESBY TONIGHT - Ep#43
9:00 PM PGR MODERN FAMILY YR.3 - EP#19
9:30 PM PGR MODERN FAMILY YR.3 - EP#20
10:00 PM G EMTV NEWS REPLAY
.....followed by the Australia Network

SARARE DESEMBA 14, 2013


4:30 AM G AUSTRALIA NETWORK
6:00 AM G EMTV NEWS REPLAY

7:00 AM G IN HIS STEPS EP#13
7:30 AM G ULTIMATE GUINNESS WORLD
8:00 AM G YOGA CITY EP#1 Repeat.
8:30 AM G AMAZING SPIES - EP#3 Rpt....
9:00 AM G ESCAPE FROM SCORPION
9:30 AM G TRICKY TV SERIES 3 Ep#11 Rpt.
10:00 AM G TRAPPED CASTAWAY EP#6 Rpt.
10:30 AM G AUSTRALIA NETWORK
12:00 PM G DAY 2 - CRICKET - THE ASHES TEST 2
3:00 PM G CRICKET SHOW
3:30 PM G DAY 2 CONTINUES - CRICKET - THE ASHES TEST 2
5:30 PM G OLSEM WANEM Ep#44
6:00 PM G EMTV NATIONAL NEWS
6:30 PM G DAY 2 CONTINUES - CRICKET - THE ASHES TEST 2
9:00 PM PGR NEW GIRL S1 EP#11/24
9:30 PM PGR WHITE COLLAR YR.3 EP#11/16
10:30 PM G NATIONAL EMTV NEWS REPLAY

SANDE DESEMBA 15, 2013

3:30 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN
7:00 AM G HILLSONG
7:30 AM G AUSTRALIA NETWORK
8:00 AM G YOGA CITY - Ep#2/13 - Arms
8:30 AM G BUSINESS PNG# 49 Rpt - Finale
9:00 AM G MARTIN MYSTERY -Re-run
9:30 AM G OLSEM WANEM- Ep#44 Repeat
10:00 AM G RESOURCE PNG -Ep#89 Repeat
11:00 AM G CHEF & HIS BETTER HALF
11:30 AM G COOKING ISN'T ROCKET SCIENCE - EP#5 - RE-RUN
12:00 PM G DAY 3
CRICKET - THE ASHES TEST 3
3:00 PM G CRICKET SHOW

KROSWOD PASOL



- 45 Kleva
- 47 I no hatwok
- 50 Intenesenel
- Leba Organais-esen
- 51 Rasti
- 53 Go pulim pis
- 56 Mani bilong wok

Ansa bilong kroswod long neks isu # 2051



Ansa bilong kroswod long las wik isu # 2049

SUDOKU

5	1	9	4	3	7	6	2	8
4	2	8	6	9	1	3	5	7
6	7	3	5	2	8	4	9	1
2	6	4	8	7	5	9	1	3
3	9	5	2	1	4	7	8	6
1	8	7	3	6	9	2	4	5
9	3	1	7	5	2	8	6	4
8	5	6	9	4	3	1	7	2
7	4	2	1	8	6	5	3	9

Ansa bilong las wik SUDOKU 23

1			9		2	5	8	
5	9		4				2	3
		3						
	6	4		8				9
		2	6	9	5	4		
7				1		8	6	
						2		
2	8					9		7
	3	7	1		8			5

Ansa bilong SUDOKU 24 long neks isu.

- Antap
- 1 Kol bokis
- 5 Pe de
- 9 Ples i sut i go aut long solwara
- 10 Kol wara i kamap strong
- 12 Tenkyu
- 13 Man o meri i go pas long miting
- 15 Bilong sindaun
- 17 Yau
- 18 God i wokim Adam long en
- 20 Switpela wara
- 21 Solwara i kirap
- 22 I no yu
- 23 Pis
- 24 Namba
- 25 Tul bilong katim timba
- 26 Putim ol toktok long pepa
- 28 Ol samting bilong wok
- 30 Ples san i go daun
- 31 Ol soldia bilong PNG
- 32 Ol pipia bagarapim graun na wara
- 34 Melanesian Alaiens Pati

- 35 Mani bilong baim wok
- 36 Strongpela samting
- 40 Ples bilong sut long gan
- 43 Animal
- 45 Lotu
- 46 Hait namba bilong ATM kad
- 48 Nesenel Alaiens Pati
- 49 Lokal Level Gavman long Lihir
- 52 Papa na pikinini politisen bilong Nu Ailan
- 54 Olpela bos bilong Ombudsmen Komisen, ____ Geno
- 55 Ples wok
- 57 Spre bilong kilim binatang
- 58 Mak bilong kompas
- 59 Liklik tamiok

Daunbilo

- 1 Pis
- 2 Bung bilong soim ol samting
- 3 Bilong opim dua
- 4 I no autsait
- 5 Kost

- 6 Saksak bilong Sepik
- 7 Bilong lukluk
- 8 De Jisas i kirap bek
- 11 Ripot bilong miting
- 12 Dring wantaim suga
- 14 Kon
- 15 Kela
- 16 I no autsait
- 19 Bris long Morobe
- 20 Mekim i hat
- 26 Baim ples bilong slip
- 27 Begin
- 29 Mak bilong kantri
- 30 Painim long nambis
- 33 Senia plisman
- 37 I no pas
- 38 Nem bilong meri
- 39 Bilong stretim ol klos na laplap
- 40 Nem bilong meri
- 41 Ol pipel bilong Rom long taim bilong Jisas
- 42 Hap
- 44 Kenvas

TORO



BIABIA



KANAGE



EMTV Television Guide

3:30 PM DAY 3 CONTINUES....
 6:00 PM G EMTV NATIONAL NEWS
 6:30 PM G DAY 3 CONTINUES....
 CRICKET - THE ASHES TEST 3
 9:00 PM G TOK PIKSA EP#48
 9:30 PM MAO SUNDAY NIGHT MOVIE
 11:00 PM G HILLSONG Rpt...
 11:30 PM G EMTV NEWS - Replay
followed by the Australia Network.
 MANDE DESEMBA 9, 2013

6:00 AM G TODAY
 9:00 AM G DAY 5 CRICKET - THE ASHES TEST 2
 12:00 AM G CRICKET SHOW
 12:30 PM G DAY 5 - CONTINUES....
 CRICKET - THE ASHES TEST 2
 5:00 PM G THE SHAK Series 2 Ep#20/75
 5:30 PM G AMAZING SPIES - EP#3/26
 5:55 PM G CRIME STOPPERS
 6:00 PM G EMTV NATIONAL NEWS
 7:00 PM G SECRET MILLIONAIRE - USA S1
 8:00 PM PG HOMELAND S2 EP#10/12:
 9:00 PM G COCA-COLA SPORTS SCENE EP
 9:30 PM G EMTV NEWS REPLAY
followed by the Australia Networ

TUNDE DESEMBA 10, 2013
 5:00 AM JOYCE MEYER - 1056-2

5:30 AM G NATIONAL EMTV NEWS REPLAY
 6:30 AM G TODAY
 09:00 AM Classroom Broadcast
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM KIDS KONA
 3:30 PM HI 5 - S8 EP#06/47
 4:00 PM DORA THE EXPLORER Ep#4/26
 4:30 PM PYRAMID S1 EP#4/62
 5:00 PM G THE SHAK Series 2 Ep#21/75
 5:30 PM G ESCAPE FROM SCORPION
 6:00 PM G EMTV NATIONAL NEWS
 7:00 PM G HAUS & HOME Ep#44
 8:00 PM G BUSINESS PNG - Ep#47
 8:30 PM PG OFF THE MAP - EP#9/13 -

9:30 PM G EMTV NEWS REPLAY
followed by the Australia Network
 TRINDE DESEMBA 11, 2013
 5:00 AM G JOYCE MEYER - 1055-3
 5:30 AM G EMTV NEWS REPLAY
 6:30 AM G TODAY
 09:00 AM Classroom Broadcast
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G KIDS KONA
 3:30 PM HI 5 - S8 EP#07/44

4:00 PM DORA THE EXPLORER Ep#5/26
 4:30 PM PYRAMID S1 EP#5/62
 5:00 PM G THE SHAK Series 2 Ep#22/75
 5:30 PM G TRICKY TV S3 - Ep#11/20
 5:57 PM G CRIME STOPPERS
 6:00 PM G EMTV NATIONAL NEWS
 7:00 AM PGR FACT FILES
 8:00 PM G OUR PORT MORESBY EP#7
 8:30 PM G TOK PIKSA Ep#47- Repeat....
 9:00 PM M ARROW - "SEASON FINALE"
 10:00 PM G NEWS REPLAY
followed by the Australia Network

Ol Program na Kilok i ken tenis oltaim...

Wiken foto



Lid singa bilong Big Mountain ben bilong Amerika i holim Wantok Niuspepa long lukim strong bilong em insait long stat bilong pilai bilong ol. Bikpela Maunten ben bai stap liklik long Mosbi bipo ol bai i go long kantri bilong ol.



Palamen haus i malolo liklik long ol memba long dispela Mun inap long yia i kam 2014 Febuwari. Tasol i wok bilong stretim dispela bikpela haus i wok long go het yet. Planti long ol olupela samting long Palamen haus i wok long lus na ol nupela i wok long kamap. Dispela ol kaving we i bin stap long doa bilong go insait ol wok man bilong kontrak i rausim ol na dispela i mekim sampela olupela wok manmeri bilong Palamen i bel hevi liklik, long wanem dispela ol kaving em olsem mak bilong dispela bikpela haus Palamen. Taim ol rausim olsem ol rausim kalsa bilong yumi tu na kisim kalsa bilong ol wait man kam insait. Foto Nicky Bernard.



Strongim Wes Papua, planti long ol kantri i stap bek sait long ol Wes Papua pipel long kisim Indipenden bilong ol. Sampela bilong yumi Papua Niugini tu i wok long helpim kempen bilong ol. Dispela tupela yangpela meri Wes Papua i save stap long Australia tasol ol kam antap long PNG long amamasim Krismas na mekim liklik kempen long kisim sapot bilong yumi. Gavana bilong NCD Powes Parkop i stap strong long helpim ol kisim Indipenden bilong ol. Foto Nicky Bernard.

Raun wantaim Kanage olgeta wik

Wara Sepik...

Kanage em bilong Enga. Tasol em i save wokabout raun wantaim ol wan wara bilong em, ol Sepik. Wanpela taim em i bungim wanpela meri Tolai na askim em: "Tobras, maunten paia i lait yet o dai pinis?" Meri Tolai ya save long kain toktok bilong em na em belhat na tokim Kanage: "Sapos maunten paia i paia yet, bai yu wokim wanem samting?" Kanage givim wanpela bikpela smail na tok: "Mi laik save tasol. Sapos em i lait yet, bai mi tokim ol wan wara bilong mi long kisim sampela Sepik wara na kap-saitim antap long paia."

Kanage Tasol Waigani

Kompensesen...

Kanage pinis wok na go kalap long bas i go long haus. Taim em i go insait long bas, han bilong em i krangi liklik na pas long susu bilong wanpela meri. Kanage tanim lukim meri ya na sem no gut tru. Bas i go stop long bas stop klostu long haus bilong Kanage na em i kam outsait. Em laik wokabout i go na meri ya singaut long em long sanap. Meri ya kam long Kanage na tokim em: 'Bras, no ken wari o sem. Mi save olsem yu no minim long tasim mi. Tasol sapos yu min, tingim



tasim klos ya. han bilong yu tasim stret'. Kanage harim olsem na askim: 'Sapos han i tasim stret?' Meri ya bekim: 'Yu ting mi bai marimari long yu. Man, bai mi askim yu long baim kompensesen wantaim bodi bilong yu ya'.

Turu Tumas Lae

Wantok...

Kanage spak nogut tru na wok long wokabout i go haus. Long hap rot ol polis patrol bungim em. Wanpela polisman askim Kanage: "Wantok, yu laik go long we?" Kanage i no save olsem wanpela polisman i askim em. Em i ting olsem wanpela wantok bilong em askim. Em i kirap na tok: "Tu tok. Mi stap long Mun Lait na mi laik go long haus." Polisman ya harim dispela toktok na em i belhat na askim Kanage: "Husat tutok bilong yu. Mi askim yu long yu laik go we?" Kanage tingting i go nogat na tokim polisman ya: "Sori, mi ting olsem mitupela wantaim i bilong PNG."

Olsem na taim yu tok wantok long mi na mi bekim bek na tok tutok long soim olsem mitupela wantaim i tritok na fotok na wantok na mipela olgeta i bilong PNG."

Wan Kantri Lae

Ol do wei...

Kanage i go wok long Goroka na em maritim wanpela meri Goroka. Wanpela Sande, bihain long lotu bilong marit bilong tupela, Kanage i kisim nupela meri bilong em na tupela i kalap long kar bilong tupela na go long Kainantu long kisim holide na amasim marit bilong tupela. Taim tupela i ron long rot i go long Kainantu, Kanage i laik senisim gia tasol han i popaia na tasim lek bilong meri bilong em. Mekim i go na Kanage i pilim sem nogut tru bikos misis bilong em i no toktok. Em nau boi kirap na tok sori long meri bilong em. Meri bilong em i harim olsem na bekim: "That's okay darling. Now that we are married, you can go all the way!" Kanage harim dispela toktok bilong misis bilong em na em i no stop long Kainantu. Boi kukim olgeta i go long Lae.

Bara Vinsch Bomana

Ol skwat! Teksim ol gutpela Kanage tok pilai i kam long: Txt: 72356149

MI gat hevi long marit laip bilong mi na mi laikim helpim

Dia Laipain

MI na meri bilong mi i gat wanpela pikinini na mipela i stap wantaim papamama na brata na susa bilong mi. Mi save go aut long wok na meri bilong mi i save stap long haus na helpim mama bilong mi long ol haus wok.

Mi baim pinis meri bilong mi long K8,000 brait prais na mi bilip olsem famili bilong mi i gat rait long bosim em. Tasol nau em i laik lusim mi. Olgeta taim em i raun i go long famili bilong em, em i no laik kam bek. Nau papamama bilong em i laik givim bek brait prais o mani mi baim em na meri bilong mi i ken go stap wantaim ol.

Mipela i no marit long sios. Olsem wanem, dispela i min olsem mi nogat rait long kisim meri na pikinini bilong mi i kam bek? Bai mi kisim bek brait prais o larim meri i stap wantaim mi.

CROWDED HOME

Dia Pren

Aninit long ol pasin kastom long planti hap long PNG, yu na meri bilong yu i gat rait long stap wantaim olsem famili.

Sapos yu laikim stret na trastim meri bilong yu, mipela i tok sori olsem yutupela i no stap wantaim na amamasim famili laip wantaim. Tru, yutupela i no bin marit long sios, tupela hauslain bilong yu na meri na komyuniti i gat luksave pinis long yutupela olsem maritlain.

Antap long dispela, yu baim meri pinis na lo i luksave long dispela olsem yutupela i marit tru tru. Tasol nau i luk olsem meri bilong yu i laik brukim marit. I mas gat as watpo meri bilong yu i no



amamas long stap wantaim yu. Yu mas hariap nau long traim na sindaun toktok na skelim ol samting gut wantaim meri bilong yu na papamama bilong em.

Olgeta meri i marit na lusim papamama bilong ol long go stap wantaim man bilong ol i laikim bai man na lain bilong em i soim laik pasin long ol. Stap wantaim papamama i ken gutpela tasol i gat ol nogut tu bilong em.

Yu ting meri bilong yu i no amamas bikos hauslain bilong yu i bosim em tumas? Mama bilong yu i mekim gut long em na mekim em i pilim olsem em i hap long haus na famili bilong yu? Papamama bilong yu i wok long fosim em long lusim haus?

Sapos yu laikim meri bilong yu na pikinini i kam bek, bai yu mas soim laik pasin na luksave tu long pilings bilong em. I moabeta long askim famili bilong yu long helpim na sapotim yu na soim pren pasin i go long em.

Trastim wanpela narapela i ken hatpela sapos yu no bin gat ekspiriens pastaim long harim tingting bilong narapela na putim wantaim bipo yu wokim fainol disisen. O sapos ol lain we yumi givim luksave i no mekim samting stret na mekim yumi i no amamas.

Tru, em i nupela piling long luksave olsem i no mi yet tasol i gat narapela

man o meri we mi mas kisim sapot long mekim laip bilong mi i wok na long wankain taim tu, mi givim mining na gutpela tingting long dispela narapela man o meri.

Tasol taim yumi akseptim salens long lukluk long narapela i stap long mi mas mekim wok wantaim, yumi i mas gat tras na strong na komitmen na bai wok pren i go strong. Tingim tu olsem maski yumi husat bikpela o liklik man, ris o turangu, God i mekim yumi i wankain na yumi wankain long ai bilong em. Olsem na yumi mas mekim gut na givim gutpela luksave long olgeta man na meri.

Sapos pasin na sampela wei yu wokim ol samting long laip bilong yu na i go long meri bilong yu i soim olsem yu tingim yu yet, i moabeta yu glasim yu yet na senisim laip na wei yu wokim ol samting long en.

Em i naturel long meri bilong yu i tingim papamama bilong em, tasol sapos ol i givim em ol gutpela toktok long helpim em olsem marit em i bikpela samting, em i ken glasim ol samting na tingting long kam bek long yu.

Pren bilong yu, Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Papagraun bai kisim moa helpim aninit long Rivais MOA - Chan

MINISTA bilong Maining, Byron Chan i tokaut olsem O'Neill-Dion gavman i luksave long planti bikpela samting Ramu NiCo Projek bai kamapim, na i tok-orait long givim Spesel Sapot Grent (SSG) o infra-straksa gren aninit long Nesenel Baset.

Dispela ol mani helpim nesene gavman bai givim i go long sapotim Ramu NiCo Projek karamapim tu ol helpim i kam long Nesene Gavman Developmen Baset.

"Mi makim Prais Minista Peter O'Neill long toksave long yupela olgeta olsem Gavman i stap baksait long helpim yupela, na putim mani i stap long helpim rivais MOA bilong yupela," Minista Chan i tok.

Mista Chan i makim Nesene Gavman long taim bilong sainim Rivais MOA bilong Ramu NiCo Projek long Tunde, Disemba 3 long Madang.

Em i tok olsem dispela sainim bilong rivais MOA em bikpela samting na histori stret long laip bilong Ramu NiCo Projek na pipel bilong Usino Bundi na Madang wantaim. Olsem na Minista Chan i askim na tokim ol papagraun insait long projek eria long redim ol yet gut long kisim ol helpim we bai i kam aninit long Rivais MOA.

"Mi lain tokim yupela ol lain papagraun olsem bai i gat bikpela ol invesmen na developmen bai kam long yupela. Mi lukim olsem planti sans long wok developmen i stap insait long dispela Rivais MOA, tasol mi laikim yupela tu long lukluk i go autsait long kisim sampela moa helpim," Minista Chan i tok.

Em i tok olsem dispela Rivais MOA we NEC i tok-orait long en long Oktoba 12 long dispela i lukim Nesene Gavman bai putim mani long wokim ol infrastraksa developmen olsem tupela liklik taun, wanpela bilong Usino-Bundi na arapela long Basamuk long Raikos distrik. Em i tok gavman i lukluk tu

long stretim Raikos rot long nambis na Usino-Bundi rot na peim arapela K10 milion sid capital na luksave long Ramu Nikel Faundesen olsem wanpela enjin rum bilong lukautim developmen na i givim K3 milien insait long Infrastraksa Developmen Grent insait long 20-ya bilong Projek Laip em Faundesen bai lukautim..

"Provinsal Gavman bilong yupela i tokaut pinis long givim K1 milien i go long saut-rot long Kurumbukari na tu kamapim Envairomen Yunit insait long Madang Provinsal Edministresen," Mista Chan i tok.

Minista Chan i tokaut tu olsem ol Joint Vensa bilong Ramu Projek i givim tu bikpela risoses olsem K5 milien i go long Saut Rot developmen long Kurumbukari, na i helpim ol lenona asosesen (LOA) wantaim K50,000 olgeta yia long komyuniti edukesen asisten program, K80,000 long wanpela maikro kredit skim, K80,000 long wan wan yia long helt skim na wok bilong rehabilitesen plen bilong Ramu NiCo long taim main i pas.

Mista Chan i askim olgeta lain papagraun long wok gut long ol sapot ol i kisim insait long Rivais MOA na long wankain taim tu sapotim Ramu NiCo long kamapim gut wok.

"Mi laik askim olgeta lain papagraun long sindaun na toktok wantaim na stretim wanem kain toktok ol hevi ol i gat na no ken bagarapim operesen bilong Kampani," Minista Chan i tok.

Em i tok olsem Ramu NiCo long nau yet i wok long bungim planti salens bikos prais bilong nikel long wol i daunbilo na em i askim olgeta stekholda na ol lain papagraun long givim moa sapot i go long kampani long taim nogut olsem.

"Yumi mas wok bung wantaim long givim sekuriti long dispela Projek na em i ken wok gut na mipela olgeta i ken kisim helpim," Mista Chan i tok.



Maining Minista Byron Chan wantaim Madang Gavana Jim Kas na Usino-Bundi MP, Anton Yagama long Madang ples-balus.



Minista Chan i kisim bilum long deputi siaman bilong KBK LOA, Diri Movikai.

France kampani i sainim namba tu LNG projek

Stanley Nondol i raitim

GES na Wel kampani bilong France i sainim kontrak wantaim InterOil long go insait long namba tu LNG projek long Elk-Entelop ges fil long Galp provins long Papua Niugini.

Total SA em i wanpela bikpela kampani i gat bikpela eksperiens na save long ges na wel long wol na bai lukautim 61.3 pesen long namba tu LNG projek.

Sif Eksekutiv Opisa (CEO) bilong InetrOil, Dokta Michael Hession na Eksploresen na sinia vais presiden bilong Esia Pasifik bilong Total SA, Jean Marie Guillermou, i sainim agrimen las wik long Pot Mosbi.

Aninit long dispela agrimen, Total SA bai peim \$US 613 milien long namba wan kwata bilong 2014 na \$US112 milien taim tupela i mekim fainol invesmen disisen na narapela \$US 100 milien taim kantri i salim namba wan ges i go aut long Elk-Entelop.

Prais Minista Peter O'Neill, Petroleum Minista William Duma, Tresari Minista Don Polye, Gulp Gavana Havila Kavona na ol arapela i witnessim dispela bikpela saining.

Mista Hession i tok kamapni bai stat long kisim ol wok manmeri bilong dispela projek long dispela mun.

Mista Hession i tok dispela projek bai karim gut-

pela kaikai bihain long planti hevi i kamap na kisim moa long 10 yia.

Mista Hession i tok Total em i wanpela bikpela in-teanesenel kampani bilong Oil na Ges. Em i tok em i gat bikpela bilip long developim dispela bikpela wol klas ges na wel projek long Elk-Entelop.

Prais Minista Peter O'Neill i tok bikpela tenkyu long InterOil long menesim projek gut tru na painim patna long developim Elk-Entelop ges fil.

Mista O'Neill i tok Papua Niugini husat i kisim save na eksperiens pinis long wok long PNG LNG projek we Exxon Mobil i go pas long en i gat sans long go wok long Elk-Entelop ges fil.

Mista Gulimo i tok em i wari long envairomen bagrap long ples na i tok Total bai wok patna wantaim ol papagraun long ol mas wanbel na kisim gutpela sevis long dispela projek.

Ol lida olsem mista Polye, William Duma na Galp gavana Havila Kavona long makim maus bilong gavman na pipel bilong kantri i tok bikpela amamas i go long interOil long mekim gut wok long namba tu LNG projek.

Dispela projek bai pulim bikpela winmani i kam long kantri na apim baset bilong gavman long givim gutpela sevis long kantri olsem gutpela rot, bris, skul, fi, helt na stretim lo na oda na apim ikonomi bilong kantri.

2013

CORAL SEA HOTELS getaways

POM	POM	LAE	MAG	HGU	GKA
K1708*	K1430*	K1329*	K1111*	K1269*	K1202*
2 NIGHTS TWIN SHARE	2 NIGHTS TWIN SHARE	2 NIGHTS TWIN SHARE	2 NIGHTS TWIN SHARE	2 NIGHTS TWIN SHARE	2 NIGHTS TWIN SHARE
GRAND PAPUA HOTEL	GATEWAY HOTEL	MELANESIAN HOTEL & HUON GULF HOTEL	COASTWATCHERS HOTEL	HIGHLANDER HOTEL	BIRD OF PARADISE HOTEL

BOOK YOUR GETAWAY HOTEL PACKAGE NOW AND EARN DESTINATION LOYALTY POINTS!

PACKAGE INCLUSIONS: Return airfares from Port Moresby (except Gateway/Grand Papua where airfares are from Lae). Return airport transfers, Accommodation as specified, Travel taxes and surcharges, VAT.

Call toll free on **180 3444** or visit **www.airniugini.com.pg** and contact your nearest Air Niugini Travel Centre or Travel Agent for further details.



Ramu NiCo sanap redi long wok bihainim rivais MOA

NAMBA wan nikel/kobalt developa na expota long Papua Niugini, Ramu NiCo Menesmen (MCC) i stap strong yet long wok i go kamapim ful prodaksen long yia 2015 na givim helpim i go long ol stekholda maski olsem prais bilong nikel long intanesenel maket nau i stap daunbilu.

Bod Siaman na Presiden bilong Ramu NiCo Menesmen (MCC) Ltd, Zhao Shimin i mekim dispela toktok long taim bilong sainim bilong Ramu Projek rivais *Memorandum of Agrimen (MOA)* long las wik Tunde, Disemba 3 long Madang we ol lain stekholda blong sainim i mekim.

Mista Zhao i mekim dispela strongpela tok-tok fran long moa long 2,000 pipel husat i kam makim 4-pela lenona grup na ol bikman makim nesene, provinsal na lokal level gavman i tok Ramu NiCo i sanap strong na redi long givim kaikai bilong Projek i go long ol stekholdas.

Siaman Zhao i tok olsem wantaim helpim bilong olgeta stekholda, Ramu NiCo i bin abrusim na go egensim planti salens long rot em i bihainim i kam tude, na long mun Oktoba 2013 em i lukim kala bilong 50% mak bilong disain bilong wok-pinis na long mun Novemba Projek i lukim tu 50% disain kapasiti i go het yet. Dispela win-mak bilong prodaksen i kamap maski olsem Projek i wok long bungim hevi long sait long nogat winmani na tu Kampani i lusim bikipela mani long sait long baim ol samting bikos prodaksen i daunbilu na prais bilong nikel tu em daunbilu.

"Ramu NiCo Projek i go insait long trail prodaksen, tasol mipela i bungim yet ol hevi na bikipela salens yet. Intanesenel nikel maket prais i pundaun long US\$28.000 i go daun US\$14,000 long wan wan tan"

"Wan kain ol nikel main olsem long wol i katim daun namba bilong ol wokman o pasim wok olgeta, tasol Ramu NiCo i stat nau tasol long operesen na i wok long bungim yet planti hevi long samting em i yusim na tu prodaksen i daunbilu." Mista Zhao i tok.

Siaman Zhao i tok long stat bilong operesen, Projek i bin bungim planti hevi na planti samting i pasim rot tasol Kampani i abrusim ol dispela hevi na i bringim kamap gut Prodaksen kwaliti na redi long bringim win-mani long Projek.

"Olgeta Membra bilong Ramu NiCo Menesmen Limited bai givim taim na mekim gut wok na pait egensim ol salens na bai yumi olgeta luksave long komesal operesen bilong Projek na luksave long wanem mak ol gol mipela i lukim long winim,"

"Ramu NiCo i sanap strong long developim, wokim kamap na ronim Ramu NiCo Projek long interest bilong kantri na tu intares bilong

ol pipel bilong Madang," Mista Zhao i tok.

Bihain long Siaman Zhao i givim toktok bilong em olsem Ramu NiCo Menesmen (MCC) i sanap redi long bringim kaikai bilong Projek i go long Projek MOA, Mista Zhao i askim olgeta lain pati i sainim dispela rivais MOA long givim sapot bilong ol oltaim long lukim Projek i go orait na givim gutpela kaikai i go long olgeta stekholdas.

"Olgeta lain pati i mas bihainim komitmen o wanem wok ol i gat insait long rivais MOA long helpim pipel bilong Madang na PNG, na bikipela samting em helpim i mas go long ol lain papagraun husat i wet longpela taim," Mista Zhao i tok.

Minista bilong Maining, Byron Chan husat i stap long sainim MOA makim Nesene Gavman na Praim Minista, Peter O'Neill i tok olsem O'Neill-Dion gavman i sanap redi long sapotim MOA na bai karimaut wok em i gat insait long dispela MOA.

Gavana bilong Madang, Jim Kas i tokaut tu olsem Provinsal Eksekutiv Kaunsil bilong em i sanap redi tu long sapotim Ramu Nikel Projek bihainim dispela rivais MOA.



1. Mainin Minista, Byran Chan wantaim ol lida man i go long sainim MOA.

2. Ol papagraun husait i kamap long MOA sainim.

3. Bod Siaman na Presiden bilong Ramu NiCo, Zhao Simin in sainim MOA.

4. Mellisa Jeffery i karim MOA bilong sainim na pulim ol singsing grup wantain ol lida man.



salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komuniti'

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamak rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta



2015 baset bai lukluk long agrikalsa

Stanley Nondol i raitim

MOA long 90 pesen bilong 7 milien pipel bilong Papua Niugini i stap long rurel ples na agrikalsa i sapotim laip bilong ol.

Planti samting long laip olsem skul, fi, haus sik fi, trenspot fi, kaikai na planti samting long laip i kamap isi taim ol pipel i salim ol gaden samting na kisim mani long sapotim ol.

Gavman bilong PNG i luk-save long dispela tasol, i no mekim wanpela bikpela plen na putim mani long sapotim bikpela populesen husat i hat wok long kisim mani long ol gaden kaikai na ol kes krop.

Man husat i lukutim mani bilong kantri, Minista bilong Tresari Don Polye i tokaut olsem bikpela lukluk bilong gavman long 2015 baset em long agrikalsa.

Minista Polye em i siaman bilong Wol Benk na Intane-

senel Moniteri Fan (IMF). Bi-hain long palamen i oraitim 2014 mani plen bilong kantri long K15 bilien, i go long Simbu provins na i tokim ol pipel olsem, kopi em i bikpela kes krop long hailans na kantri. Em i tok gavman bai sapotim wantaim moa fanding bai kam long Intanesenel Fud na Agrikalsa program.

GaVman i putim moa long K830 milien long agrikalsa long 2014 baset. Bikpela hap bilong 2014 baset i go long

infrastraksa wantaim K2.7 bilien.

Minista Polye I tok taim inrastraksa wok olsem rot, bris na trenspot i kamap orait long ol fama i trenspotim gaden kaikai na kes krop i go long maket, gavman bai putim moa mani long 2015 baset long sapotim wok agrikalsa.

Tresera bilong kantri i tok 2015 baset bai stap long mani mak bilong K17 bilien. Em i tok ikonomi bilong kantri i gro tasol gavman i

bungim bikpela salen slong ol planti eria bilong developmen.

Oposisen lida Belden Namah taim em I bekim 2014 baset long palamen i tok gavman i no gat plen bilong agrikalsa. iEm I tok planti pipel I dipen long agrikalsa na gavman i asua long i no putim long 2014 mani plen.

Oposisen tu i sapotim memba bilong Sumkar, Ken Fairweather, na i tok kos bilong fetelaisa, marasin na ol-

sampela impot samting bilong helpim ol fama long wok agriklasa i dia tumas.

Mista Fairweather i tok gavman i mas putim subsidi polisi long ol dispela impot long ol fama i ken baim long liklik mani na sapotim wok bilong ol.

Planti ol save man i tok bikpela nid bilong kantri em long gavman i mas putim bikpela mani long infrastraksa na agrikalsa. Dispela tupela hap em bai helpim ol pipel stret.

Talapia kamap planti long Kikori

TALAPIA pis i nupela long Kikori Wara, Galp Provins, tasol nau ol i wok long kamap plant kwik taim tumas.

Tu, ol i wok long rausim ol asples pis olsem baramandi, ketpis o blek brim.

Piku Tim ripot bilong PNG Institut bilong Baiolojikal Risets na Yumnivesiti bilong Kenbera i mekim wokabout bilong ol long Kikori Besin na kamapim wanpela ripot.

Taim tim i bin wokabout raun long hap long mun Februeria las yia (2012), na lukim olsem talapia pis i nupela tasol.

Tim i bilip olsem bikpela taitwara bilong Oktoba las yia i bin kisim ol talapia i kam long Kikori.

Sampela i bilip olsem ol i kam long Indonesia olsem ol narapela pis olsem perch na snekhet.

Ol narapeal man i bilip olsem ol dispela talapia i bin ronawe long ol pis fam long Lek Kutubu rijon, we ol i lukautim ol long kamapim gut fud sekuriti.

Sevei bilong Piku tim long Januери 2012 i no bin painim wan-

pela talapia pis long ol maket long Kikori, tasol nau, ol i salim planti i stap.

"Ol i salim ol pres na smuk talapia, na tru, em i naispela long kaikai, teis bilong em i no gutpela tumas olsem baramandi na ketpis.

Maket long ples Veiru i wok long salim moa long 30 bikpela tilapia pi ol bin kisim long Veiru Wara. Ol no bin kisim ketpis o baramandi.

I gat wari olsem tilapia pis nau i go planti na wanpela samting em long hevi ol i ken kamapim long en-vaironmen, Piku tim i tok.

"Kaikai bilong ol em ol plen, na ol i resis wantaim ol narapela pis long ol plen na algi long wara. Na tilapia i save ranim ol narapela pis na olsem, ol i rausim ol narapela pis na kisim ples bilong ol.

"Bikpela samting em long kari-maut awenes i go long ol asples komyuniti," Piku tim i tok.

Wanpela long ol awenes em wanpela nupela buk bilong ol pikinini tim i kamapim na tilim i go aut liong ol skul tupelo mun i go pinis.



OL NAISPELA BILUM: Dispela ol naispela billum we ol Rivaivel Sios mama i wokim na salim long wanpela so bilong ol.



TALAPIA PIS I KAMAP PLANTI NAU: Liklik mangi i soim tupela talapia pis em i kisim long Wara Veiru. **Poto: Piku Tim**

Wanpela man i laik panim pis long Wara Veiru na em i kisim wanpela Talapia. **Poto: Piku Tim**

WANTOK NIUSPEPA KRISMAS PROMOSAN, OL WINA BILONG DISPELA WIK ISSUE: 2049

1.	RITEL STUA	PAPER SOLD
•	SVS Supermarket – Tabubil	
•	Papindo Supermarket – Gerehu	
•	Water front Foodworld – H/City	
2.	STRIT SALE AGENT	
•	Cathy Mui – Lae	
•	Joseph Toyalaka – Alotau	
•	Amos James - Bulolo	

Airlines PNG

Nau i flai igo long Manus

• Lae ↔ Manus	Tupela taim long 1 wik
• Port Moresby ↔ Mt. Hagen	14 pela taim long 1 wik
• Port Moresby ↔ Alotau	Olgeta Dei
• Lae ↔ Kimbe ↔ Kokopo	Olgeta Dei
• Port Moresby ↔ Tabubil ↔ Kiunga	Olgeta Dei
• Lae ↔ Mt.Hagen	Olgeta Dei
• Port Moresby ↔ Daru	6 pela taim long 1 wik
• Lae ↔ Madang ↔ Wewak	6pela taim long 1 wik
• Port Moresby ↔ Goroka	Olgeta Dei
• Port Moresby ↔ Popondetta	11 pela taim long 1 wik
• Daru ↔ Kiunga	4 pela taim long 1 wik
• Port Moresby ↔ Lae	27 pela taim long 1 wik

Call 72222151 or visit www.apng.com

Krismas na trening i stat pinis



EM i Krismas taim nau na planti ol liklik komyuniti na ples insait long Papua Niugini bai tingting long kamapim sampela kain pilai long bungim ol manmeri na amamas wantaim long dispela taim.

Dispela em wampela samting we i save kamap olgeta yia.

Tasol long planti ol bikpela tim na spot o asosiesen, trening bilong ol i stat pinis long redi long 2014 sisen.

Planti em ol tim insait long ol bikpela asosiesen olsem long Mosbi, Lae na ol arapela bikpela ples olsem.

Gutpela bilong statim trening hariap

Long bipo, planti bilong yumi save wet inap long Jenuari o Febuari long nupela yia bipo yumi statim trening gen.

Bihain long ol gem bilong yumi pinis long Septemba o Oktoba, na sapos ol i no kisim yumi insait long wampela kain skwat, em yumi save lustingting long spots na go raun na mekim ol arapela samting na wet inap long narapela yia gen.

Taim nupela yia i kam nau, yumi save go trening liklik taim tasol na go pilai.

Dispela i no gutpela bilong wanem, bodi bilong yu bai no inap redi gut na yu ken kisim bagarap tu.

Na tu, bai yu no inap pilai gut tumas bilong wanem tingting na bodi bilong yu ino kirap yet long pilai na dispela i ken daunim strong bilong tim tu.

Planti ol tim, kosa na ol spots manmeri luksave long dispela na ol i save statim trening bilong ol long pinis bilong yia yet, olsem long nau bipo ol i go malolo long Krismas, na bihain ol i kam bek gen long Jenuari long nupela yia na statim i go gen.

Dispela i gutpela bilong wanem em bai kirapim skin na tingting bilong yu yet long pilai na tu bai helpim yu long lukautim bodi bilong yu na stap gut long Krismas taim.

Long wankain taim bai yu redi gut long trening na i no inap westim taim long kirapim tingting na bodi bilong yu long pilai taim yu go insait long fil gen long nupela sisen.

Wanem kain trening long kisim

Ol trening we yu ken kisim long dispela taim em ol dispela we bai strongim bodi na tu givim yu planti win long stap long taim insait long gem.

Sampela long ol dispela kain trening em long ron, kalap, sekim spit na strong bilong yu na tu apim sampela ain o hevi samting long groim na strongim bodi.

Em i gutpela taim tu long stretim o lainim gut gen sampela ol stail bilong pilai olsem kik o tromoi bal, lainim long takol na ol arapela samting olsem.

Wokim dispela ol samting nau long redim bodi bilong yu na taim nupela yia i stat bai yu ken lukluk tasol long trening bilong gem na wanem kain ol pilai tim i bihainim long taim bilong pilai.

Long wankain tam bai yu ken i gat moa taim long nupela sisen long helpim ol junia na ol nupela pilai husat i kam joinim tim.

Ol of-sisen gem

Planti taim i save gat ol of-sisen gem i kamap long krismas na nu yia we ol spotsmanmeri save go pilai bihain long sisen bi-

long ol asosiesen bilong ol i pinis.

Em i gutpela long go pilai na stap fit tasol planti taim ol kosa bai no inap tok orait long yu.

Dispela em bilong wanem of-sisen em taim bilong yu long malolo na lusim bodi bilong yu i strong gen.

Yu ken mekim liklik trening olsem mi tok pinis long antap, long stap fit yet.

Sapos yu pilai bikpela gem, bai bodi bilong yu i nogat malolo na yu ken kisim bagarap.

Sampela taim, yu ken go pilai narapela spot we yu no save pilai long namel bilong sisen.

Dispela bai mekim yu i gat laik yet long pilai spot tru bilong yu taim sisen bilong en i stat gen.

Long dispela mi min olsem, sapos yu save pilai ragbi lig o yunion orait, yu ken go pilai ragbi tas o volibol long of-sisen, na sapos yu save pilai soka orait yu ken traim basketbol o sofbol.

Of-sisen em i gutpela taim tu long yu luksave gut long ol bagarap long bodi bilong yu na painim rot long stretim o mekim ol liklik ekksesais na trening long strongim yu yet gen.

Tasol sapos dokta o kosa bilong yu i tok long yu malolo, yu bihainim tasol.

Bikpela samting em lukaut gut long ol samting yu kisim long kaikai o dring na kisim planti malolo taim yu nogat moa samting long mekim.

Lukautim yu yet na redi gut long nupela salens bilong nupela yia.



Pepes namba tri long Siks Nesen

NESENEL tim bilong Papua Niugini long Netbal, PNG Pepes i bin putim wanpela gutpela pilai tru long Siks Nesen tonamen, tasol ol i kamap namba tri bihain long Uganda na Singapo.

Dispela Siks Nesen tonamen i bin kamap long Singapo na ol 6-pela tim husat i pilai em Papua Niugini, USA, Ireland, Sri Lanka, Uganda na Singapo.

Ol Pepes i bin stat gut tru taim ol i bin winim Sri Lanka, bihain ol i bin lus long Singapore long wan poin tasol, ol i dro wantaim ol Uganda na ol i winim ol Ireland na USA.

Bihain long olgeta ol gem bilong ol, ol Pepes wantaim

Uganda i bin stap long namba tu spot. Uganda i bin skorim planti ol gol long ol gem bilong ol, na long dispela as, Uganda i bin gat sans long pilai long fainel wantaim Singapo, na ol Pepes i pilai wantaim Sri Lanka long kisim namba tri spot.

Long gem namel long PNG na Sri Lanka, PNG i klostu taim lus long Sri Lanka. Sri Lanka i bin pilai strong na i bin go pas long namba wan na namba tu kwata tasol ol meri Papua Niugini i bin les long karem sem na go bek long ples bilong ol, olsem na ol i pilai strong tru na winim ol meri Sri Lanka.

Uganda em i bin wanpela tim we i no gat nem long netbal insait

long wol, tasol nau, bihain long ol i winim dispela Siks Nesen tonamen, ol i wokim histori, na kamap namba tu kantri bilong Afrika long winim dispela tonamen. Namba wan Afrika kantri long winim dispela tonamen em Tanzania.

USA i bin wanpela tim insait long dispela tonamen we i bin gat bikpela namba, na planti netbal ekspet insait long wol i bin ting olsem ol bai pilai gut na kamap wantaim gutpela mak, tasol ol i bin lus long planti gem, na kamap namba 5 long dispela tonamen.

Ol Pepes i kam bek pinis long kantri long tunde morning na bai i malolo liklik bihain long ol i stat trening ken long ol narapela gem bihain olsem Pasifik gems.

Tim Isten Hailans kamapim semina

Sape Metta i raitim

BIHAIN long luksave olsem pefomans o pilai gut bilong ol tim Isten Hailans em i go daun tru na em i no kisim ol gutpela risal na winim ol medol long las PNG grasrut gem, Provinsel yut, Spots na Komyuniti Dvelopmen opis i kamap wantaim tingting long kamapim wanpela semina.

Dispela em long strongim ol spot manmeri long provins na ol i ken redi gut long go insait long 2014 PNG gem bai kamap long Lae, Morobe Provins.

Provinsel Spot Kodineta Moses Peter i tok, Isten Hailans i faunda bilong PNG gem, tasol pefomen bilong ol spotman na meri bilong Isten Hailans i no kamap gut long taim ol i bin pilai long las PNG gem long Kokopo.

Olsem na long dispela as tingting, Yut, Spot na Komyuniti Dvelopmen i givim K16,500 long Nesenel Spot Institut long (NSI) long kamapim ol skul progrem long dispela semina long strongim olgeta grasrut spot manmeri bilong Tim Isten Hailans husat bai go insait long 2014 PNG gem.

Semina bai kamap long NSI na I stat long dispela wik Tunde, Desemba 10 na pinis tude.

EPC redi long ol nok aut

Isaac Liri i raitim

IS Papua Kap (EPC) bai holim ol nok aut gem long dispela wiken, na 16-pela tim olgeta i kwalifai pinis long pilai insait long ol dispela nok aut.

Ekting Tonamen Dairekta, Mathew Abraham i tokim Wantok Niuspepa olsem dispela ol 16-pela tim i pilai gut tru long ol raun i go pinis, na nau ol i wok long redi tasol long ol nok aut.

Mista Abraham i tok ol dispela tim i wok long trening hat long wanem, olgeta yet i gat bikpela laik long win na kisim gutpela nem bilong tim bilong ol.

Insait long Pul A, Simla kwin, Gabutu 1, ol wina bilong EPC long las yia, na Lugaibu 1 wantaim Maela 2 i kwalifai long pilai long ol nok aut long dispela wiken.

Long Pul B, ol tim husat i kwalifai em Gabutu 2, Ratama, Auge 1 na Mainum.



Tupela tim bilong EPC i mekim das i kirap.

Pul C em Mixmates, Gabutu 2, Nil Bosco na Sogu United 1.

Na long pul D em Maela 1, Yalasi 2, Galea na Mulolu 1.

Ol wina bilong dispela ol nok aut bai go insait long kwata fainel, bai i kamap long wik bihain long ol nok aut.

PNG Etletiks kisim fanding

Isaac Liri i raitim

SPOT Minista Justin Tkatchenko i bin givim wanpela sek mani i go long PNG Etletiks long Waigani long dispela wik Tunde.

Dispela sek i karim mani mak inap long K200.000, na dispela mani bai PNG Etletiks i yusim long baim ol samting ol bai nidim

long redi long 2015 Pasifik gems.

Presiden bilong PNG Etletiks Tony Green, i bin amamas tru long dispela sek mani we Mista Tkatchenko i givim. Em i tok ol komiti bilong em bai wok strong long wanem, ol i laikim ol etlit bilong Papua Niugini long kisim sampela gutpela risal taim ol i pilai long 2015 Pasifik Gem.

"Spot Minista bilong yumi i wok long givim planti sapat tru long ol kain kain spot insait long kantri na em i no lus tingting long mipela long etletiks" Mista Green i tok.

Taim em givim dispela sek mani, Mista Tkatchenko i tok olsem em bai givim 4 millien long PNG Etletiks long sanapim tupela nupela ol fasiliti long Kokopo na long Lae.



Wanpela pilai bilong Pepes i laik sko. Ol Singapo i bin winim dispela gem long wan poin tasol.

- Weekend Sports -

SEASON PROPER - ROUND TWO, GAME ONE

Saturday, 14th December 2013

DIAMOND TWO				
TIME	TEAMS	TEAMS	GRADE	REMARKS
9:00 - 10:15	CHEBU	v UNITED SISTERS	A	Rescheduled from 30.11.13
10:15 - 11:30	UNITED SISTERS	v BEARS	B	T.SIMITAP & M.PONDRIKET
11:30 - 12:45	FOROMO	v WANTOKS	B	T.SIMITAP & M.PONDRIKET
12:45 - 14:00	UNITED SISTERS	v BEARS	A	
14:00 - 15:15	FOROMO	v WANTOKS	A	
BYE	GAZELLE A & B			

DIAMOND THREE				
TIME	TEAMS	TEAMS	GRADE	REMARKS
9:00 - 10:15	STINGERZ	v BEARS	A	Rescheduled from 30.11.13
10:15 - 11:30	ADMIRALTY	v STINGERZ	B	C.TERRA & T.KAMBU
11:30 - 12:45	WOLVES	v CHEBU	B	C.TERRA & T.KAMBU
12:45 - 14:00	ADMIRALTY	v STINGERZ	A	
14:00 - 15:15	WOLVES	v CHEBU	A	
BYE	GAZELLE A & B			

SEASON PROPER - RESCHEDULED MATCH R16B

Sunday, 15th December 2013

DIAMOND TWO				
TIME	TEAMS	TEAMS	GRADE	REMARKS
15:00 - 16:15	WANTOKS	v STINGERZ	A	Rescheduled from 07.12.13

EAST PAPUA CUP KNOCK OUT DRAWS

Saturday 14th December, Sir John Guise Stadium

Pool A Vs Pool C			Pool B Vs Pool D		
Simla	Vs	Nil Bosco	Kabutueau	Vs	Galea
Gabutu 1	Vs	Sogu United	Ratama	Vs	Mulolu
Maela 2	Vs	Mixmates	Auge 1	Vs	Maela 1
Lugaibu 1	Vs	Gabutu 2	Mainum	Vs	Yalasi

Kriket



Boksen



Quade Cooper i laik soim strong bilong em long boksen long Janueri neks yia, tasol ARU boss, Bill Pulver i tok, em i no laikim tumas dispela tingting we vais kepten bilong Wallabies, Cooper i putim tupela gem boksen na ragbi wantaim. Cooper i rere long pait wantaim Anthony Mundine long Janueri 29 long Brisbane, tasol bai kamapim planti tingting long ragbi gem bilong em wantaim ARU neks yia. Pulver i tok em i no amamas long Cooper i senisim keria bilong 2013, tasol boksen em i no bikpela gem bilong em long bihain taim.

Johnson i selebret...

Bola bilong Australia, Mitchell Johnson i ken tromoi bal olsem laitning, kosa Graig Mc Dermott i tok. Em i givim toksave long ol Ingran long Tunde las wik, na tok, em bai wankain long hom graun bilong em long Perth. Man husat i hankais taim em i tromoi bal i kisim narapela 'Man of the Match' win taim ol i pilai long Adelaide graun long Australia na winim gem long 2-0 long go pas long namb 5-tes siris las wik. Sapos Australia i winim namba tri gem long Perth, ol bai winim Ashes gem na karim dispela kap ol i bin lusim long 2009 ashes gem.




Anthony Mundine na Quade Cooper

Boksa Anthony Mundine (raithan) na Rugby Union plaia Quade Cooper sanap kism poto bihain long toktok long tupela bai long Janueri long Brisbane.

Painim Bal Resis

Namba 5

A B C D E F G



Putim X insait long bokis yu ting bal i stap long en..

Eksampel: **C5**, long namel. Teksim i kam na traим laki bilong yu.

Baim Wantok Niuspepa olgeta wik na traим sans bilong yu!!

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....




Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Desemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Painim Bal Resis

A B C D E F G



ANSA
bilong resis
Namba 4

B3

Wanpela wina tasol long olgeta wik!

Yes yah ol Wantok!! Bai yu gat sans tru long winim ol dispela promosen samting bilong Wantok Niuspepa....



Teksim Ansa bilong yu i kam long 7235 6149 na lusim nem na adres bilong yu tu...Sans yah!

Dispela resis bai stap i go inap long Disemba dispela yia, so noken wet, salim ol ansa kam na stail wantaim Wantok kep, t-siot na kola siot!!

Oi spot eksen poto long wiken...

Oi Poto Nicky Bernard.

1

2

3

4

5

1 Gol suta bilong Deloitte i kisim wanpela gutpela bal i kam long senta bilong ol taim ol Moore Printing pilaia i putim was.

2 Westpac gol difenda i rausim bal taim wan pilaia bilong i go long sapotim em taim pilai wantaim narapela tim long Sande.

3 GOLO Soka tim i winim maina primia wantaim taitol bilong Primia Soka Resis long 2013. Kosa bilong Golo Soka Tim Maino Kwalimu i go givim Trophy ol winim long gren fainal long han bilong Grup Jeneral Menesa bilong Nambawan Trophy Jim Gui long tok tenkyu long Nambawan Trophy olsem bikipela sponsa bilong ol long dispela yia 2013.

4 Brothers rana i traime spit bilong em long go long nambawan bes tasol Eagles nambawan bes man i autim em bipo long em kisim bes.

5 Hat na Strongpela pitsa bilong Wolves i tromoi bal.



Moa oil na meat insait



Oi pilaia i kam bek long jim na Wantok i kisim poto. Poto Isaac Liri

Training i ron gut

Isaac Liri i raitim

TRENING bilong Papua Niugini tim we bai i pilai long Kwinslan Intrust Supa Kap long neks yia, 2014, i wok long ron gut tasol, kosa Michael Marum i tok aste long Bomana, Pot Mosbi.

Dispela trening i bin stat long las wik na bai i pinis bipo long krismas, long givim taim long ol pilaia long amamas wantaim ol famili bilong ol.

Long lukluk bilong kosa Michael Marum, em i lukim planti tenis i kamap long ol pilaia, na em i amamas tru long dispela.

Oi pilaia i kisim planti gut-

pela trening long las wik yet long sait bilong apim weits, ron long fil, holim na pasim bal na long sait bilong kik.

Dispela ol samting i bikpela tru long wanem, em ol beisik bilong ragbi lig na ol pilaia i mas oltaim tingim na i no ken lustingting.

Insait long dispela trening i gat ol pilaia bilong ol Kumul, ol pilaia bilong Digicel kap, ol pilaia bilong nesanel sempionsip, na tu, ol skulbois ragbi pilaia.

Long dispela trening tu, ol pilaia husat i kam long ol skulbois kompetisen, na long nesanel sempionsip i lainim planti nupela samting.

Oi i bin training gut tasol wantaim ol pilaia bilong Dig-

PNG etlit i kisim fanding. Ol spot dro - Pes 25

BOROKO MOTORS	
PORT MORESBY	325 5255
LAE	472 1144
MT HAGEN	542 1933
TABUBIL	649 9048
KIMBE	983 5035
MADANG	422 2659
KOKOPO	982 8193
GOROKA	532 3552

Email: info@borokomotors.com.pg
 Website: www.boroko-motors.com